

康林雜俎

明談孺木著

第一冊

進步書局校印

筆記小說大觀

集

1911

1912



明  
談孺木著

叢  
林  
雜  
俎

上海進步書局印行


東林雜俎提要

此書為明末鹽官談遷所著卷凡六曰智仁聖義中  
和夫綱十八子目一千三百有奇都數十萬言上自  
朝章逸典下至妖異叢綴無不畢具尤於有明一代  
陰陽消長賢佞取舍三致意焉蓋當鼎革之際銅駝  
荆棘燕子春燈隱痛之深非一日矣作者抱良史才  
其為當時張陽城高膠州二公所賞者豈徒此區區  
小品哉然即以小品論亦足以饜飫後學於無涯書  
名東林雜俎蓋從其避兵之地以名之云

序

談子孺木有書癖其在記室見載籍相餉輒色然喜或書至猥誕亦過目始釋故多所採撫時於坐聆塗聽稍可涉筆者無一輕寘也銖而積寸而累故稱雜焉其義白大易雜卦始予嘗手其書而悲之以彼其勤脫佐鄴侯之側游茂先之旁漁獵羣秘領畧要眇何至觀書於市有目不得下有舌不敢吐乎哉今雖偏載瑣述未適於用而展卷澄鮮筆飽墨瑩誠說林之發弧也惜天限孺木朝不謀夕足跡未及燕而今已矣三輔黃圖之盛東京夢華之思孺木即有意乎亦安所措翰也悲夫時崇禎甲申九月既望膠東高弘圖題於白門公署

舊藁二帙高相國序後歲有增定太傅西州之慟不止羊曇山陽鄰笛之哀矣翅向秀哉因錄原序技泪識其末江左遺民跋



國權自序並凡例

亦左氏曰。明興垂三百載。治駸駸日以盛。而史事則學士家猶避言之。木天金匱之藏。每乘輿代興。則詞臣雲集。而從事既奏。竣局之秘閣。即薦紳先生不得一日。周秦以來。史臣有專職。亦有專述。故其官與業。交相勸也。

明之史臣夥矣。大概備經筵侍從。既奪名山之晷。而前後有所編摩。俱奉尺一。其官如聚偶。其議如築舍。非正三公而埒八座者。不得東如椽焉。且明初史館布衣亦

尚與壇坫之末。其後非公車不敢望。又其後館閣有專屬。即公車之高。或才如班。未始以概進也。噫。明之于功令。斷斷甚矣。故史日益以偷。垂三百載。而無敢以左是應者。神宗時。陳文憲銳意于史。而史竟烏有。雖文憲不克襄事。脫幸而史。恐不堪

為唐宋六朝役。何論雁行也。計其時。瑯琊新都雲杜二三君子。足任鞭弭。而曾不一收澣勃之用。又曷史哉。故史至明。遂以秘而釀隘。泌陽之險險也。而史江陵之嚴刻也。而史楊文貞董文簡之褊忮也。而史史之權不有所敬。則有所避。蓋棺事定。革除事已。蕩為飄風。冷塵滅沒。半不可問。而周之頑民。所脫然刷洗者。十一耳。永陵議禮。至于今。甲可乙否。聚訟之古。故而猶新。此將何以衷之也。口定慶實錄告成。俄而

在事諸臣。牛削籍甚則投繯謝也。以國家忠厚鴻龐。昌言無忌諱。而千載上腐形餘。讓高龍及人。史不亦可畏哉。然則今之史。拘忌文法。拄枝耳目。盲之誣。叔之短。赤之僭。不但爾爾。江左前史。出一家。唐太宗命諸臣為晉史。始割綴而不適于一。永叔為五代史。則者為新唐書。則不甚著。天下事成於獨而散于同。比比是也。明作者非一人。繁簡子奪之間。失得相半。鄭端簡號為博雅。有其學矣。惜非其才。北地才而不史。辨駁欲史而隱忍。以沒又其初。皆不踐承明之廬。雲杜寄徑非久。遂老簿書錢穀間。史才難得。亦難失。當宁或任耳不復任目。則雖能史者。有推謝規避。疇以身為射的。豈故子竊感明史而痛之。屢欲振筆。輒自慙。怒臂不敢稱述。間窺諸家編年。於譌陋。唐元都女有所損益。閱數歲。哀然成帙。不遂灰棄。舉而薦之鉛槧。笑古人之未工。忘已事之已拙。諒哉。雖然。麀飯塗羹。戲之云爾。持以質大君子之門。方土龍窮狗之不。若何況乎綿最也。

長慶丙寅二月朔。談遷書於棗林之容膝軒。

此內寓舊稿。嗣更增定。觸事悽咽。續以崇禎弘光兩朝。而序仍之。終當覆故聊識於後。 遷又跋



國權義例

橫木水上曰權。漢帝主權。商稅今以權史義無所長短也。事辭道法。句權而字衡之。大抵寧潔毋靡。寧塞毋猥。寧裁毋贅。若亥豕之訛。雖黃之口。尤其慎。旗不敢恣臆於百禩之下。

宣尼又言文勝質則史。柱下之藏。早見其端。然純任夫質。不免園冊。即斷爛朝報耳。文獻足徵。則闕疑傳信。學識以濟其才。亦千古存質之意。實錄外。野史家狀。汗牛充棟。不勝數矣。往往甲涇乙滑。左軒右輒。若事鮮全瑜。人寡完璧。其何塗之從。曰人與書當參觀也。其人而賢。書多可採。否則間微一二。毋或輕徇。

國初沿宋元之習。文多弱曼。弘正間。漸尚氣格。而叙事之文。猶故也。章奏最繁。無不讀。輒不易竟。故十汰其九。鍊年鍛月。薄有去留。

司馬子長於漢初。曰沛公。曰漢王。據實以書。後人或概從帝號。頗乖其素。今特如本稱。庶明履歷。

國初如漢陳友諒。吳張士誠。夏明玉珍之類。或書入寇。云偽漢偽吳偽夏。大非孝陵逐鹿之意。秦初未嘗臣六國。漢初未嘗抑西楚也。孝陵詔勅。不諱為元民。而諸家輒

以威賅責一時敵國得毋早計。

建置改創始必書如改郡縣設官司通朝貢行封拜肇工作定禮樂正賦役開科貢頒詔令例宜書除官惟賢奸之有繫於國者及閣部院則書餘不盡述諸王勳戚文武三品以上薨卒得書其賢士大夫雖庶賤德業流聞者不敢遺也赦文儀注節取聖宗金鑑至諸書考証諸人評隲採其確覈者災祥寇戎尤不厭詳矣。

昔人論春秋書法如六鷁退飛過宋都謂人仰觀見為六物察之知為鷁而退飛極望如其過宋都蓋先得數次得物次得地也隕石于宋五謂見有隕自天者察之石也其地為宋而數之為五蓋先有觀次得物次得地而後得數也句不數字盡俯仰之情態真聖人化工之筆宋初穆修張景銳志古文嘗侍朝東華門適奔馬踐黃犬墮因各紀其事穆曰馬逸有黃犬遭蹄而斃張曰有犬死奔馬之下穆語大拙張較上而漏犬之色則麟筆豈易擬哉噫哀鉞遠矣穆修張景竊在李孟之間天啟辛

酉值內艱請陳述通紀陋之私自筆錄漸採漸廣且六易稿彙至卷百丁亥八月盜賊其擾拊膺流涕曰意吾力殫矣居恒借人書綴集二十餘年雖盡失之未敢廢也雖近百里之外編者羣籍歸本於實錄其實錄歸安唐氏為善本槁李沈氏武塘錢

氏稍略焉。冰毫汗璽。又若干歲始竟前志。田夫守株。愚人刻劍。予病類之矣。江左遺民談遷孺木識。

附錄喻叔虞國權原序

取二百四十年之間七十二君之所行事。斷以一人之論。以成一家之言者。春秋也。春秋者。孔子之春秋。非魯之春秋也。故官秩不隸於柱下。筆札不給於蘭臺。版冊不藏於天府。春秋者。野史之犧象也。迨雲不待合而雨。河不北趨而南。天地變而戎猾夏。天乃興秦以廢古。書籍則火。孰敢搖筆而治丹鉛。腹誅則誅。孰敢張口而談國事。漢興初尚樸園。天又不終廢古。而後稍任經術。於是司馬遷班固之徒。世其官。而西漢有史。其後皆以異代之史。而掌前世之故。或借一國之才。而參他國之志。然亦必稽當時稗官說家之言。以為張本。孫盛以枋頭受嚇。崔浩以謗國罹禍。則亦秦之餘猛矣。又安冀國有信史哉。史失則求諸野。則野史之不可已也。久矣。殆亦天之所必存。以留是非之權於萬世者也。三代而後。國家之盛。是非之明。未有隆比我。明者。故野史之繁。亦未有多於今日者。然見聞或失之疏。體裁或失之偏。紀載或失之略。如椽闕焉。鹽官談孺木。乃集海鹽武進豐城太倉臨朐

諸家之書凡百餘種。苟有足述。靡不兼收。勒為一編。曰國權。予偶游海上。受而卒  
讀之。其志則在春秋。觀其法則在綱目。取二百六十年之中。十有六朝之所行事。  
開圖中興之烈。守成累洽之休。大政大權。臚記眉列。赫焉侈矣。洵一代之鴻業也。  
夫以木橫水曰權。若儒木之所採輯。鉅纖畢收。久近並綜。誠哉權而取之。諸家無  
遺言矣。儒木以帖括之暇。而効為朱墨本。蓋良史才。亦由識朗而學瞻。故能成其  
大志。與今經五出子者四。而史居其二。書之謨則言治。而不言亂。訓誥則言治。而  
亦言亂。春秋則言亂。而不言治矣。若我明之世。質之唐虞三代之治。而無愧我  
明之法。防諸奸臣賊子之亂。而最嚴千古。邈隆之盛。天用古以興我明也。宜  
撰木國權。足以兼尚書春秋之盛事矣。尤天所必存之書也。異日者。儒木得載筆  
而并木天。以文墨事天子。大書特書。其賢於龍門扶風遠矣。是編且獻而藏之。金  
遺石室。問野史云乎哉。宗禎庚午正月。新建友弟喻應益撰。

附錄黃州談君墓表

君諱汝名遷。字孺木。海甯縣人。初為諸生。不屑場屋之辟。固狹陋而好觀古今之  
治亂。其尤所注心者在明朝之典故。以為史之所憑者實錄耳。實錄見其表。其在


裏者已不可見。况革除之事。楊文貞未免失實。秦陵之盛。焦沙陽又多醜。正神書之載筆者。皆官逆奄之舍人。至於思陵十七年之憂勤。惕勵而太史遊荒。皇歲烈燄。國滅而史亦隨滅。普天心痛。於是汰十五朝之實錄。正其是非。訪崇禎十五年之邸報。補其闕。又成書名曰國權。當是時。人士身經喪亂。多欲追叙緣因。以顯末世。而見聞窄狹。無所憑藉。聞君之有是書也。思欲竊之以為己有。君家徒四壁立。不見可欲者。夜有盜入其家。盡發藏稿以去。君喟然曰。吾手尚在。寧遂已乎。從嘉善南都。欲以史館處。君不果。亡何。太宰相國相繼野死。君亦棄。諱生。其子嘉平。哭思陵。西走陽城。欲哭太宰。未至而卒。丙申歲冬十一月也。蓋君於君臣朋友之間。實有至性。故其著書。亦非徒為盜名之秘經而已。余觀當世。不論何人。皆好言作史。豈真有三長。足掩前哲。亦不過此。因彼襲攘袂公行。苟書足以記名姓。輒不難躡權而論之。史之體有三。年經而人與事緯之者。編年也。以人經之者。列傳也。以事經之者。紀事也。其間自有次第。編年之法。春秋以來。未之有改也。有編年而後有列傳。故本紀以為列傳之綱。有編年而後有紀事。故紀事為通鑑之目。奈何今之

作者矢口遷固而不屑於悅宏。夫作者無乘傳之求。州郡鮮上計之集。不能通知  
一代盛衰之始終。徒藉殘書數本。諛墓單辭。便思抑揚人物。是猶兩造不備而定  
疑書也。以余所見近日之為□□者。其人皆無與乎文章之事。而公然長篇累牘。  
行世藏家。輒欲與五經方駕。三志競爽。豈以後世都可欺乎。君為按實編年。不銜  
支影。未嘗以作者自居。異日有正明世之事者。知在此而不在彼也。君之子子祺。  
求子表。墓余表無溢辭。亦史法也。

附錄朱竹垞靜志居詩話

沈氏中年燬于火。乃復沉思強記。覆閱羣書。詢之故老。墨枯筆飛。饑不  
及餐。晚克成編。南都議上。景皇帝廟號曰代宗。一時以為當。仲木獨以為非。有答  
友人五言。辭雖未工。有闕典故。特錄之。詩云。成周作謚法。大小行乃傳。公旦暨師  
望。肇制自聖賢。相古后皇陵。南郊必稱天。易名典克慎。叙法宜精專。漢後避帝諱。  
臨文罕拘牽。唐以代易世。宋以真易玄。其文雖或殊。其義則一焉。景皇承大業。即  
臨凡七年。多難固邦國。文武要略全。屢遣奉迎使。事无禮罔愆。及乎裕陵返。黃離

位南偏初非囚堯城奪門言何論梁瑤策始建張懋冊用宣三廟號猶未備何以卑  
簡編禮臣失不學代乃居世先相越僅五世文義詐可沿謚說十五家東禮與心不  
然盈廷以為是橫議臣談遷






許公故廟碑記

邑人談遷


翳我鹽官。有忠節許公。殉睢陽。以障江淮。輕七尺。以安祖廟。生致東都。革命偃師。在至德二載之十月。旬日賊遁。反葬故里。楊園村。田叔和云。葬洛塘南。意其時為毀宗封。蘋藻修潔。寧惟是三尺之土已也。宜有廟而掌故失載。臨安志云。雙廟在縣西。縣今思之。洛塘故廟。因雙廟而故也。至德二載。迄唐末百四十年。安有曠代之久。墟墓生哀。不廟貌其間乎。初專祀公無疑。第安石之白碑未勒。申胥之祠額易訛。于是燈未滅。頓值沈彬。武庫方營。遽真樗里。悲哉乎。後之人眈眈焉。攘竊寸尺。寧能追奠忠魂。仰安貞魄。全東平之塚樹。表太師之泉臺哉。猶未已也。併古廟而佚之。視若下鬼。夸于叢祠。名實俱喪。肝蠻亡聞。僅附公于右。沿流忘源如此。吾未知其可也。遷獲稱鄉人。私淑千載之下。俛仰往蹟。幸釐正其事。以歸之我公云。

又跋云。縣志故廟失載。歸其重于雙廟也。今廟又祀劉文龍。謂廟成于文龍。許氏不敢忘德。第以溷睢陽。非立廟本意。



題詞


吾僻處孤廬奪於帖括河東三篋既無亡書茂先連乘兼少載籍性忽忽善忘備於  
一事擊節私快適穎紙未及隨旬日之內不復全憶間追毫從事所佚多矣今特轉  
軒之下材痴詒之餘嚙也說部充棟錯事見采事易蕪采易鑿舍其舊而新是圖又  
任目者憑於好惡任耳者失於浮浪也竊深戒之自數年來提鉛握槧積若干卷食  
之無肉棄之有味雖在雞肋猶為貴之矣系以棗林何也吾上世以宋靖康之難自  
汴徙於杭者四傳德祐末避兵徙鹽官之棗林今未四百禩又並於德祐吾且暮之  
人也安所避哉求桃源而從庶以棗林老耳書從地不忘本也



談處士遷字孺木性好博綜久不過益肆力於子史百家之言尤諳列朝典故嘗曰楊文貞賢臣也而于革除多失實焦泌陽壬人也而于正士加厚疵徒狗愛憎耳豈有定論乎於是訂正羣籍成一家言崇禎壬午間受知陽城張公慎言膠州高公弘圖二公者天下之望相與為布衣交甲申高入相張為冢宰凡新政得失皆就諮于處士多所裨益相國以處士諳掌故薦入史館泣且辭曰遷老布衣耳忍以國之不幸博一官高乃止已勳寺交煽時事且日非處士私語二公曰公等不去將任愞國之咎二公用其言先後乞骸骨乙酉張客死宣城高致命會稽處士歸于麻湓之廬丙戌會盜起剽掠藏稿盡失甲午會婺州總河中丞朱之錫聘之游京師嘗走昌平謁愍帝陵是時吳太史偉業在翰林慎與可獨重處士丁酉夏以事至平陽去平陽城數百里遠處士徒步往哭張冢宰之墓處士操行廉雖遊大人先生之門不妄取一介至今家徒四壁立卒年六十有四

所著叢林集十二卷史論二卷北游錄八卷西游錄二卷叢林雜俎十二卷叢林外索六

卷海昌外志八卷



逸典

朱家巷

疑像

石農器

保越錄

汪清木首

避諱

二家遺裔

祭糧田

鐵券

下操牌

齊宮寢具

戶帖式

內官勅封

功臣廟

社稷壇

宮銜

本縣官師

縣令並僉

後湖冊

食鹽

錢爐

屯田

照畧官

吏卒支給

衛所造轄

戶口婦女

賀節

詔勅筒

夜鈴

總兵體統

品官酒具

御史首道

鳳陽興福宮

爪哇移文

占籍

官儼

太廟銀葉

不禁服內生子

孔子像

朔望行香

湯信贈世子

木鐸老人

課載桑棗

昭示奸黨錄

江南牧馬

沈萬三

鄧瑩

征南將軍印

團初抄劄法

勳嫡

鎮江程租

番經臺



內庫

神宮監

奉先殿薦新

淨海

武職馳封

門禁

同宗

李韓公燈榜藏勅

宋濂

楊奐獻詩

功狀榜里

經進集

恩榮宴釋父

丁玉銀錠

建文皇帝遺跡

建文皇帝葬

方孝孺辭稱先生

雪菴和尚詩

許觀考滿呈式

高巽志謚

建文遺臣

黃鉞裔

茅大方

烏鎮九老會

建文書法擬

神虎

脫驂治賄

致仕官掌印

世原生

文臣封贈

崑山鄉舉

永樂程錄

補印

宮妃歸寧

佛郎機

兩京官俸

史官侍班

留都官擁蓋

兩京宮殿

中使司

賜官媿家僮

巡撫歲入京

大臣除伍

不奪功臣宅

蜀邸聲銃

學憲兼民事

興史進俸級

孝子孫庸王相

太宗伯不繇翰林

高鏊

呂尼沮駕

景帝墳園

軍蓬

江南民運

南京貢船

上林苑

南京貢所

松江布

南京左侍郎

教官考績入京  
浙東銀右

大臣貶贈革職官

閣臣賜蟒服

兩宮三殿災

皇莊

皇店湖

教諭李璧

教職左遷

提學官疏薦人才屬官

富春謠

省掾何麟

楊循吉

蔡鼎

御容藏殿

勳位

白衣山人詩見夢

大司馬起復

鷹犬蟲蟻歲給

御駟

貢象尾

嘲邊

金甌再卜

青田

泉州志

宥隨駕監生

李偉

詰惠山神文

少寧被杖

緬酋詭貢

長昂射子

朱國祚

震朝

太廟羊角燈

傳戴煖耳

喪儀

日本關白求封

朝鮮上書

王守仁誣楚府寄物

東宮冊婚

取栝子松

川扇

王文肅晚召

梁鵬

閣臣避道

安南上書

戲寶

荒慘

八品官貶封

分黨

熊廷弼王化貞

魏忠賢

慎羅靈籍

幸脫黨籍

火備尚書

劉詔耿如杞互誚

孫尚書寒窗故人

周維持

鳳見

滕陽驛詩

孫相國行邊

陳明卿慰下獄

暹羅貢表

安南

三王之國

主簿寃縊

許志吉

登極天鳴

戊辰首科

東宮不利

問難

治進香內臣

逆案

徵盜

偽巡臺

五經登第

館選

南場關節

宸翰

輔臣不給驛

陳啟新

御膳

內閣東燭

堂饌折價

輯抄

何相國市德

烏程長洲之隙

袁崇煥

鄭鄭

萬仞宮牆

稅監

詞林題補

周延儒

六曹章奏

磨碑

內臣帶

揭長安門

泄旨罷相

朱萬年

祐聖觀開勅

過周謀

生日移賀

鄭以偉

貢士騎射

醜司新例

黃道周

張春

詞林之壞

熹宗實錄

講臣

堂婆

御史改武

盧象升

德府窖金

周士樸

謝秉謙

和杖

左良玉

蕪湖兵擾

女慘

蘆溝城

內臣兆蝗

箕書

悼靈王

逆榜

缺


禁金銀酒器

館課

元旦受朝

孝陵夜哭

先帝改謚





明 鹽官談遷儒木著

逸典

朱家巷

句容西門外二十里通德鄉。曰朱家巷。本朝之先澤係焉。今句容令楊雋卿勒石

道上云。疑冢平坡斥衍不見邱壟。人稱卧龍岡也。嘉靖時。邑人副都御史王暉言其

遺跡。下南京禮部閱實。侍郎崔銑視其地。蕪僅櫟木一多枝。云龍爪樹。西北土地廟

石壚。鐫朱慶朱安社等字。餘無可質。今廟樹俱墟。意當時一大聚落。故云巷。易代而

後。直馳道耳。發祥埋玉。疇能辨之。他本有太祖不復見非無見也九字

句容朱家巷祖陵。太祖初命成山伯李新開河於此。便運。尋以地脉罷其役。見其於圖集

疑像

太祖好微行察外事。微行恐人識其貌。所賜諸王侯御容一。蓋疑像也。莫幅藏之太

廟。

石農器

申都太平鄉之孤村。太祖家舊趾。今石農器存。

### 保越錄

張士信保越錄。蓋守紹興。拒官兵全城事。出越人筆。詞多指斥。云紅寇山陰祁彪佳。有其書。幣熱錢謙益錄之。改帝號。非復舊本。

### 汪清本首

太祖姊二。曹國長公主適李貞。太原長公主適汪清。清從征陳氏。戰歿。葬盱眙縣西八十里牧羊山。刻木首殉之。饗堂柱帖。帝乙聯婚。戚里恩波。流世澤。鄧陽取捷。康山廟祀。報奇勳。為國捐軀。千載忠魂。扶社稷。相夫委質。萬年義塚。壯山河。

### 避諱

江陰李□□戒菴漫筆。載先世分關中。寫吳原年。洪武原年。俱不用元年。想國初惡勝國之號。故民間相習如此。按此避御諱元章。如六科原士之類。戒菴誤矣。

### 二家遺裔

馮陽柯氏馬氏陳友諒遺裔也。改姓與部曲談王吳三家。通居興國大冶瑞昌界上。張士誠遺裔。為章丘李氏。

初賊時。乳母携幼子而逃。冒李姓。

### 祭糧田

盱眙楊王墳。置洒掃人三戶。祭田四十畝。又欽賞三百餘石。在滁州。免徭役。正德間。會典作二百餘石。招納投附至二萬餘丁。免糧約三萬餘石。則會典失於深考。盱眙志

### 鐵券

鐵券。公式二。高一尺。博尺有六寸五分。次高九寸五分。博尺有六寸。侯式三。高九寸。博尺有五寸五分。次高八寸五分。博同上。又次高八寸。博尺有四寸五分。伯式二。高七寸五分。博尺有三寸五分。次高六寸五分。博尺有二寸五分。

曹國公李文忠二券。舊券。洪武三年十一月丙申制。新券繫次年。其文大同小異。中山侯湯和券文。載毘陵矢忠事。其誥曰。雲龍之喻。在昔所稱。造化兩間。營為霖雨。朕起草萊。將多梓里。爾和英邁。勢若熊虎。自定居江北。以爾守毘陵。吳儂狡銳。爾獨當之。九天九地。示戒叵測。惟爾之固吾圉也。其闔越山陝。盡入版圖。爾惟多勩。是用授爾列於通侯。以克永世。於戲。秉忠効力。千載一會。宣爾勤勞。訓及子孫。惟爾念之。

### 下操牌

高太后助太祖創業。有牌視晴雨。下操。夜嘗張蓋庭中。聞雨聲。即牌止操。嘗驟雨。急衣出付閭者。今蓋藏內。守備廳。

### 齋宮寢具

南郊齋宮。藏太祖黃綾披紅布茵莞席蒲羈。明制宿齋。進銅人執牙簡。書致齋日數於簡上。以諭百官。

### 戶帖式

洪武二年十一月辛亥。給民戶帖。以戶部半印勘合。令有司各戶比對。不合者遣戍。隱匿者斬。男女田宅牛畜備載。其後戶部尚書鄧德。左侍郎程進誠。侍郎某。郎中某。員外郎某。主事某。各押名。又本州縣正從官。知印吏亦押名。部官押名。俱刻本州縣押名。細書帖不滿二尺。偶閱密縣志。具戶帖式於左。一戶。傅本七口。開封府鈞州密縣民。洪武三年入籍。原係包信男子三口。成丁二口。躰身兒二十二歲。不成丁一口。男次一。婦一。婦女四口。大二口。妻四十三歲。男小二口。女一。雙十三歲。事產。北瓦屋三間。南地二頃。

右戶帖付傅本收執。准此。

寧國府志

內官勅封

國初內使監令等官皆給勅命賜封後革。

功臣廟

南京開國功臣廟六王像皆冕旒居上侯伯蟬冠簪纓列左右鳳陽開國功臣廟中  
遇春廟像烏紗絳袍。

社稷壇

社稷壇陪祭行禮南嚮餘祭北嚮。

宮街

文臣宮街支俸勳戚宮街不支俸。

本縣官師

仙居縣志洪武四年邑人任繼先除仙居知縣法令嚴峻縣民畏之六年歸隱於下  
黃金華府志永康知縣呂兼明呂文燧俱本縣人。

教官國初多郡縣辟舉不盡繇銓選試職三年有功方實領授。

縣令並僉

永樂間。滿水知縣章聰趙美並僉。王翺王用陳錦並僉。李貴趙倫並僉。必水縣志

接國初六部尚書並僉。其縣令僅見沁水志。或他邑。或他官亦有之。第掌故久佚矣。

### 後湖冊

南京志。平門外玄武湖中洲。貯天下黃冊。鼠噬衣不噬冊。每曝冊。發其下。多鼠伏死。

### 食鹽

官吏食鹽。每人十二斤。市民六斤。納鈔一貫。鄉民人二斤二兩五錢。每斤納米五升。三合三勺二抄五撮。景泰中。官納至三十口。吏至十五口。成化二年。定官十五口。吏七口。為率。又永樂二年。大口鈔十二貫。小口六貫。蓋以鹽給民。故徵鈔。今官不給鹽。而鈔徵如故。其弊不知所始。南唐昇元初。賦正苗一斛。別輸三斗。授鹽二斤。曰鹽米。元宗交泰初。准向鹽場入於周。遂不支鹽。而輸米如初。南唐偏安。何足論。而全盛如今日。何流弊至不復問也。

平涼府志曰。平涼食鹽鈔銀。其始也。因官有鹽。以市民披籍計口。取其直。而里長公具牛車。輸之里中。仍計口給鹽。是官受鹽而民資食也。上下相資。非牟利也。上自王。下及官吏貧民。皆有食鹽。無復買鹽於商者。而官復召商中鹽。商將何所資之。緣私

治以後雖計口收鈔。惟王府及達官支鹽。而司府吏民皆莫或運支。第市商鹽而食。故民虛納銀于官。復市鹽於商。官收倍利。民獲二害。其鈔銀乃以給宗室折俸。今官折俸。例皆虛名。未有實支。而宗室復得銀鈔以折俸。往往知其弊。亦莫肯實輸鈔銀。而宗室折俸。亦不莫其必得也。姑以文符市諸奸。得估五之一焉。所獲亦甚微。估符者必下所司。嚴徵於民。與奸究之民。各分其重。困黎民而利斯人。予不知其何說也。越時春。浙鹽每引四百斤。官給工本鈔。每引二貫五百文。故稱鹽鈔。當時法嚴鈔貴。竈丁得利。後鈔法不行。竈得鈔無所用。煎鹽窮苦。因利納銀。告攀水鄉竈戶。水鄉竈戶。初制募民為竈。准免一死。故富民爭買竈籍。實非竈也。兩淮鹽歲七十萬五千一百八十引長蘆鹽。凡近海俱鹽坑。築灘如治畦。鱗次而下。其旁為大塹。潮上則塹塹皆平。潮退挹水注上畦中。風之日之。又注一畦。風之日之。又注如初。投以石蓮。立而不仆。則水氣盡。鹵醇如飴。東北風至。水上凝鹽如雪花。雨則鹽減粒大而甘。孫氏錄。

河東解鹽鹽池。但候南風凝結。不假人力。  
四川鹽井提舉司。洪武間。鹽井二百七十八額。課一千六百零五萬九千三百。永樂十八年。雲南商人汪浩言。上流屬井。課少水多。遣官於永通等九井。掘出鹽七

十五萬一千二百二十斤。列之正額。名曰新增鹽。上流通海擁出鹽五十萬八千九百九十一斤。補入額數。後提舉顏納發之。名曰埋沒鹽。二十二年。福興等井戶別等小井。並貼擁出鹽七萬四千六十六斤。名曰添辦鹽。宣德間。富義等井戶亦尋井。聞煎擁出鹽一萬五千三百八十八斤。名曰爭羨鹽。景泰間。戶部主事汪回顯復課新舊鹽井。共一千二百八十灶。一萬五千三百八十八丁。歲辦鹽八引。每引二百斤。歲額鹽三十一百三十五萬三千七百四十三斤五兩三錢。貯鹽倉井。大者沒以革囊。小者竹筒。每鹹水可一斛。得鹽十五斤。四川通志

### 錢爐

北平山東雲南各二十二爐。山西四十爐。浙江二十爐。江西一百一十五爐。廣西四川各十爐。陝西三十九爐。廣東十九爐。

南京嘉靖間鑄錢。其背或以金塗之。民間曰金背錢。或火薰其背。使黑。民間曰火漆錢。其雲南及寶源局。先年純用銅錫。不雜以鉛。每文重一錢二分。又車鏃其邊。色黃質堅。民間曰鏃邊。後科臣建議。革去車鏃。止用鑄判二座。而工人復盜銅料。其邊粗

澁。曰一條棍。不異私鑄。錢法遂瘞。



國初屯軍七。操軍三。屯軍每人二十畝。種穀三石二斗。牛犂歲徵穀五十石入屯倉。每月徵穀二石。歲支二十四石。為家小糧。三石二斗為種穀。後以米四斗折穀一石。歲納采九石一斗二升。

南京屯制。每軍額田五十畝。歲輸十八石。即以其租月給本軍一石。計歲每軍餘粟六石。以餉城守之軍。後憐屯耗。令十二石存留自贍。止納六石。

寧國府志。屯田正軍人給四十畝。歲徵米六石。

杭州府志。總旗人十八畝。糧二十四石。小旗人十四畝。糧二十石四斗。軍人十二畝。糧十八石。正統元年。減徵。未併鎗者。總旗納十二石。小旗八石四斗。併鎗者。總旗六石。小旗與軍同。

嘉興府志。總旗十八畝。小旗十六畝。軍十二畝。各糧六石。本折均平。未併鎗。總旗加辦六石。小旗加辦二石四斗。併鎗後各糧六石。

福州府志。洪武時。軍稱舊屯。永樂時。軍稱新屯。俱分給三十畝。歲正租十二石。給本軍餘糧十二石。給守城軍士。

平涼府志屯軍人百二十畝。畝輸穀豆例一斗以五升給屯丁。實輸止五升為銀二分而已。遠者每石折銀四錢。又曰營田一項徵子粒糧六石。按屯田贏縮不一。因地制宜。具見其畧。

南昌衛及饒州撫州千戶所屯田俱在池州。

### 照畧官

金華府志金華守禦千戶所。洪武三年設正千戶一。副千戶二。百戶十。其聽訟設鎮撫一。以上皆世襲。其幕僚初設照畧一員。後革。改吏目。

### 吏卒支給

衛所每月指揮僉事米四石八斗。正千戶米三石二斗。副千戶二石八斗。百戶三石。鎮撫三石四斗。漕卒月支米八斗。操備及諸雜差有妻者六斗。否則四斗五升。贏老道疾者三斗。

### 衛所運轄

鎮遠衛。清浪衛。偏橋衛。五開衛。銅鼓衛。瞿塘衛。俱在貴州境。以湖廣都司遙領之。如山。馬。越。州。守。禦。千。戶。所。置。在。河。南。浦。州。守。衛。千。戶。所。置。在。山。西。

撫州衛屯田有在徽州新安衛屯田有在應天

### 戶口婦女

上海縣志。戶口備載婦女。洪武二十四年。男子二十七萬八千八百七十四。婦女三十五萬三千九百二十九。永樂十年。男子十九萬九千七百八十一。婦女十七萬八千六百四十七。其數相准。至弘治十五年。男子十七萬九千五百二十四。婦女八萬一千二百九十七。隆慶六年。男子十五萬八千五百三十二。婦女三萬四千四百三十五。數不相准。則今昔醜偽之殊也。按各郡縣志。戶口不載婦女。特錄之。

### 賀節

萬壽節。元旦冬至諸節。京省諸臣俱於進表日行全禮。至日但行八拜禮。不舞蹈。不呼嵩。此太祖所親定。後人不知。俱再行禮。南京則并出表日亦不行全禮。隆慶中。林退齋署南都察院。疏請禮部覆從之。容座贊語

### 詔勅筒

外夷詔勅。事竣使臣上其筒。禮部轉繳內府。不得損壞。

夜鈴

南京皇城巡夜金鈴百枚。搖訖即曙。數之未嘗闕一。

總兵體統

國初列侯總兵體極尊重。有司伏謁如屬禮。近內地守令昧於掌故。輒欲鈞禮。往往取索。

品官酒具

一二品官酒器俱黃金。三品至五品銀壺金盞。六品至九品俱銀。餘人用瓷漆木器。按太祖起兵間。習於節儉。又深懲貪墨。而定品官器具。不為寒乞。則所謂彬彬郁郁也。正統三年。品官房室除貪污罷斥者改折外。餘許子孫居住。

御史首道

御史聽選聽察首。浙江道內計掌察。則河南道蓋國初首下浙東。先設官。洪武元年。詔開封為北京。示其重也。名勝志云。北宋以河南為京畿道。故寰宇記首列河南。南宋以臨安為京畿道。故紀勝要覽首列浙江。我朝蓋兩沿宋制非也。

鳳陽縣福宮

洪武九年四月。上如鳳陽。居皇城興福宮。中都志攷史不載。

爪哇移文

爪哇移文嘗書一千三百七十六年。蓋自其立國始。

占籍

民籍竈軍匠外。儒籍商籍官籍先賢籍。按崇禎丁丑科進士。四川齒錄。書儒籍。同輩頗異之。以祖父三世皆教職。又蜀中有例也。

天地壇。壇戶。天壽山種樹人戶。宛平。昌平。墳戶。光祿寺酒戶。陵戶。廟戶。園戶。瓜戶。菓戶。米戶。藕戶。窰戶。羊戶。

官儼

歲十一月朔。太平人奉郡符直入。應天尹中道儼於南京。

太廟銀葉

立春立冬日。京尹進太廟銀葉。

不禁服內生子

御製孝慈錄序。有曰。禁服內生子。不近人情。故大明律無服內生子之條。教吳東谷贊言

莊皇在東宮時。康妃服未畢。生元子。上不懌。諭嚴嵩曰。禮官得毋言乎。嵩詢諸朝士。皆莫敢對。少詹事尹洞山臺曰。曷不舉孝慈錄序中不禁民間生子語乎。嵩以其言對。上釋然。

### 孔子像

唐李元瓘言。孔子廟。顏子配。其像立侍。則像在唐前已有之。洪武十四年二月。建太學。自夫子以下。各設神主。數百年夷習。乃革。然外學仍如元人之舊。嘉靖元年始撤像。

### 朔望行香

洪武十七年。勅每月朔望。祭酒以下。行釋菜禮。郡邑長以下。詣學行香。按朔望行香之禮。古未有也。北齊每月朔望。祭酒博士諸生。展拜階下。郡縣朔朝。是時未熱。今所謂香也。然朔日行禮。則始於此。其後遂以朔望行香。朱子曰。謁宣聖焚香。不是古禮。搃香不當叩頭。只直上捻香。即出笏叩首而拜。繇是言之。則宋亦然矣。但儀節與今

不同。今則行拜禮。

澄海縣志東陽王嘉忠著

信國公湯和世子彝早卒。贈信世子。葬鍾山。勳裔同於藩嫡。

### 木鐸老人

木鐸老人。國初專理本里事。權侔縣令。縣令不法。老人能持之。後為泛役胥徒等。

### 課栽桑棗

洪武二十七年。令百姓多栽桑棗。每一戶初年二百株。次年四百株。三年共六百株。違者全家發遣充軍。有司據實以報。考績殿最係之。今典史具成牘以備故事。如蘇松常鎮。不桑不棗。歲報如例。官課虛飾。類此多矣。

### 昭示奸黨錄

太祖誅胡丞相惟庸及其黨。所彙爰書曰。昭示奸黨錄。監王之敗。又理前案。搜入無遺。定曰奸黨錄。自為序。

### 江南牧馬

洪武十四年。令蘇松嘉湖四郡民。占田四十頃以上。出上馬一匹。三十頃以上。出中馬一匹。二十頃以上。出下馬一匹。長洪沈氏家傳

### 沈萬三





皆聽爵主分割。曲直其罪稍輕，不必送法司者，得自行答禁，不避尊行，亦猶天家親薄及郡王體制。最合古人宗法。然惟開國靖難諸故家為能，其他最貴者，不能盡聽約束矣。又軍中僚伍偏裨，以及幕賓，稍為雅談者，每呼正位，總兵官為兵主，此惟大將專生殺者為然。副將以下，即貴至橫玉，僅呼為帥主耳。蓋亦唐人以使主稱，即度大使意也。宋世使者出疆，亦名正使為使主，其副使、杞令，雖得尊官，亦得用軍法誅之。沈德符野獲編

鎮江輕租

鎮江民糧全免官租，半徵民糧，本色亦免徵，惟折馬價。

番經臺

南京大內番經臺，多六朝古石。

內庫

內府供用庫，廳前懸木魚一，長三尺許，示有餘之意。後庫上有瓦鴿子一。

左順門內庫，設木欄秤閣，凡有事而出，皆搜檢，即筦庫內臣亦然。獨文官不搜。詳文

神宮監

神嘗監不許畜犬萬歷間寧監杜用養一小犬為東廠訪知費千餘金方免

奉先殿薦新

南京奉先殿薦新正月生菜十斤韭十斤蠶十斤上元江寧辦雞子鴨子各三百太常寺辦二月

月子鵝二十二隻外副鵝二隻兩縣辦芹七斤萹蒿七斤薑菜十五斤兩縣辦三月

笋十五斤山門鯉二十五斤河泊所四月梅二十斤櫻桃十五斤杏十八斤園戶王瓜百

三十枚兩縣彘猪三斤雉六斤兩縣五月桃十五斤李十五斤來禽十五斤園戶茄二百五

十枚兩縣嫩雞二十隻副雞八隻江寧夏至日李五十斤太常寺六月蓮百六十枚甜瓜三

十枚西瓜三十枚冬瓜十八枚兩縣七月雪梨二十斤寧國芡實十斤園戶葡萄十二斤菱

二十斤江寧八月茭白二十斤池戶芋二十斤園戶薑二十斤藕三十枚鱖魚二

十五斤兩縣粟米一斗山川粳米三斗江寧九月香橙二十斤園戶鱖魚十五斤

兩縣栗子二十斤小紅苳三斤江寧砂糖一斤八兩十月柑二十五斤橘二十五斤兩縣

淮鳧六隻兩縣山藥四十斤太常寺蜜一斤太常寺十一月甘蔗百

淨海

寧波聖塘大榭台温玉環石塘皆懸海山田周數百里舊有居民國初因倭亂徙入

內地。

武職馳封

洪武十七年正月濟南衛指揮使何誠乞封繼父時生父已封許之今世弁必都督其崛起至參將始封。

門禁

南京洪武朝陽太平三門禁出柩魏國公家葬鍾山許太平門倒出。

同宗

翰林學士新安朱升誥命有眷我同宗之老實為耆結之英詞臣代言恐未敢稱同宗或上旨然耶野史謂太祖嘗欲繫族元晦容或有之。

李韓公燈榜藏敕

李丞相善長史謂定遠人實世居徽郡祖口葬郡城東十里丞相少讀書靈金山留有金燈疏刻中元節焚疏則燈見歲久板漫漶改刻焚之燈隱今仍前刻丞相沒駙馬都尉祺次子盛慶謫佃積溪之龍關家藏太祖手勅二稍明胡黨之寃謫滿二百十六年准後人伏闕訴復還所籍六萬金之半藏勅後質宕鎮方氏天啟初方氏夢

丞相冠帶來索。否且見禍。乃贖去。亡何。方氏火。崇禎二年。十世孫李世選投勅。上奏下閣。臣韓云。高皇帝遺旨一道。仍手書皇封之。上勅賜勳臣皇親外甥李盛慶之祖善長。因國事罰收。去守龍關二百十六春。為民依勅滿。捧此勅到京。見主開拆。復忠臣功爵。謚聞依近世世不忘。李徐劉勳臣保障我為主。收伐陳友諒。天下俱克。復十夫功勞。秋毫無犯。洪武二十三年。出給李盛慶收執。欽此。臣祖盛慶奉勅。遂同乳媪。襁負龍關。相延八世。不知封中所言何事。無敢輕棄。今限已逾期。臣父應寵年六十。有七。衰殘遊幕。臣謫長代賚云。下閣部勘閱。大學士韓爌等言。文書官賈宗誼奉聖旨至閣。云朕讀皇史。竊尊藏御筆。拚對封面上。亦有二三字相似。其實篆辨。永昌。但其封內文書。正為不類。所言二百十六春。便當應期來。何延至今。既曰李盛慶。又曰李盛。是一人。還是二人。卿等詳查揭奏。於是大學士韓爌等言。臣詣皇極殿。恭驗。皇祖御筆。以李世選所進勅比對。可疑不止一端。皇祖親筆。行草皆化健。有法。而所進不然。即封面長字。臣字爵字。稍似。亦未畢肖。若中幅則不同。已多可疑一也。皇祖初年。戒勅諸帖。諭敵國。出自親裁。詞意淵卓。宣臨御二十三年之後。手書文義。不類若此。朕守龍關。亦屬無據。可疑二也。其云二百十六春。為民限滿自

洪武二十三年至今二百四十年矣。前此應期何不來奏。可疑三也。封面稱李盛慶。封內又稱李盛。李世選疏有福慶延慶盛慶三名。則盛慶為一人明矣。然考善長子駙馬都尉祺。棋子二。芳留守中衛指揮。茂旗手衛鎮撫。至芳子恆始停襲。並無盛慶等名。善長賜死。芳茂俱赦不誅。世選云祺同子福慶延慶亦因以死。可疑四也。封內誤書胡維庸為維康。李祺為奕棋之棋。可疑五也。洪武元年定尚寶司為正五品。舊制寶十七顆。並無單用永昌二字。可疑六也。又善長自縊。在二十三年五月二十三日是春榜列功臣。尤首善長。而封內乃書二十三年仲春月初一日出給。則給教乃在善長未死之前。其謬可知矣。云禮科給事中孫紹統禮部尚書何如寵俱參其謬。如寵云。臣質問世選年二十歲住績溪九都龍關。問何不依限來奏。云父風疾。貧農。上年清明節祭旌德祖墳。遇生員李仙品。說起扶持營費同來。又問封面寫盛慶。封內又李盛。是一是二。云是一人。問吾學編等書。李善長子孫世次甚詳。並無福慶延慶等名。云年幼不知。察世選一村愚。頗不知作偽。而應對之間。非推年幼不知。則云不敢拆看。但云凡事李仙品曉得。云云。兵科給事中宋鳴梧奏曰。善長事詳載實錄。尤莫詳於昭示奸黨錄。善長被詰自縊。今日止因罰事奪卒。一謬也。善長

之子駒馬祺因於家。建文初赦守江浦。靖難兵入。投水自溺。今云善長卒祺因卒。二  
擧也。有二子曰芳曰茂。芳為留守中衛指揮。茂襲旗手衛鎮撫。茂子恆停襲。今云祺  
與三子福慶延慶同死。止有宗孫盛慶。所謂盛慶者。善長之後也。抑存義之後耶。善  
長自駒馬外有二子。胡惟庸招中所稱四官人六官人。及存義之子伸佑俱誅死。所  
謂宗孫盛慶者何人。三謬也。云云。按茂生恆。恆生城。城生宜。宜生鸞。世居聚寶門外。竟論世選死。

其遺曰。李世選所上。高皇帝手勅。坐誣妄與漢竇嬰所上大行手。詔同。嬰豈  
作偽者。或景帝大漸。不及下尚書耳。高皇帝開天之事。不可以拘格論。御筆二  
三字僅似。文義不甚類。亦往往有之。福慶延慶意芳茂小字。國初好稱小字。如惟  
庸學祺之誤。人人知之。能偽必不誤。誤處或聖怒特改。其日仲春月初一日。給似  
趣善長死。未即自決。故至五月二十二日也。高皇帝過舉。既不欲暴。而上公之  
書非一紙。即復存疑。可也。謂為作偽。似未必然。

### 宋濂

宋景濂先生奉制作蟠桃頌。上命其子中書舍人璉。書於核內。藏於庫。猶存。

元翰林待制。柳貫道傳。宋先生師之。柳集若干卷。行世。遺稿四帙。宋手書細楷。藏柳

氏處

義門鄭楷撰宋先生行狀云。任國子司業。上欲試先生以吏事。四年八月授去遠知縣。按宋以議孔廟禮。忤旨謫。非試吏事也。正不必諱。洪武十四年辛酉。先生葬。葬夔州蓮花峰下。越三十三年。永樂癸巳十二月二十七日。蜀惠王改葬錦城迎暉門外。安養鄉。又七十二年。成化乙巳十二月十三日。蜀惠王改葬錦城迎暉門外。

楊夔獻詩

餘姚楊宗彞。洪武中任長泰主簿。其子坐謫。移家戍貴州普安衛。宗彞棄官。伏闕獻詩曰。臣本山中一布衣。三年從宦在京畿。功名有志嗟何晚。妻子無依夜不歸。日照九重恩不辨。月明千里淚頻揮。丹心一點隨雲氣。長繞黃金闕下飛。上悅之。擢吏部考功主事。還其從戍妻孥。復以引年去官。就養普安。有萬松集。黔記

功狀榜里

晉江陳章應進士。歷榆次繁峙安邱三縣丞。以才廉召為禮部議制主事。太祖閱功狀大異之。璽書褒美。下本郡榜之里門。以寵之。榜猶藏於家。王遵岩集

經進集

華亭顧祿謹中。以太學生官太常典簿。歷蜀府教授。太祖聞其詩。命盡進之。解縉  
譽入便殿。見御前置祿詩數帙。故其集名經進云。

### 恩榮宴釋父

鄧陽梁德遠。洪武乙丑進士。父廷用。戶部郎中。繫詔獄。德遠不赴恩榮宴。及謫戍。請  
身代。特拜工科給事中。命釋其父。楚紀

### 丁孟銀錠

平莖將軍丁玉。經畧西番。鑄銀錠與之要約。散給諸羌。得者寶之如神物。上有誓詞。  
輕重不等。番中號為丁大夫。

### 建文皇帝遺蹟

郭子章曰。吾學編。雖伏亭叢記俱載。帝在金筑長官司羅永庵。題詩壁間。予入黔  
兮。定。番州守王應昌訪其庵。在羅榮寨五里許。有白雲庵。即帝避難處也。豈誤榮  
為。初。羅寨為庵。邪。菴畔一井。周匝可二尺許。深半之。傳帝所浚。井中水恆雨。不溢  
恆賜。即千萬人飲之不涸。時有雙鯉。出沒其間。久旱。出輒雨。淫雨去輒晴。其應不爽。  
庵後有洞。亦曰白雲。外窄中廣。可坐可臥。有臺可置燈。又有隙通天。光明內徹。乃



帝修煉所庵左右有杉數章大者數圍小者合抱皆帝手植前臨龍潛全剛三寺  
萬山朝拱儼然居高臨卑帝潛此數十年豈無意又嘗經宿感清衛為劉氏書玩  
易堂御墨猶存劉即今指揮世爵祖也在宇內黔為僻在黔羅祭為僻終永樂之世  
不能物色之以此嗟乎古今帝王出亡無復有歸者亡而歸惟帝使成祖無慮貽之  
恨英廟成親親之仁亦千古一快記黔

風塵一夕忽南侵天命潛移四海心鳳返丹山紅日遠龍歸滄海碧雲深紫微有象  
星還拱玉漏無聲水自沈遙想禁城今夜月六宮猶望翠華臨其閣罷撈巖巒嶺巖  
笑看黃屋寄曇標南來瘴嶺千層迴北望天門萬里遙歎段久忘飛鳳輦策衰新換  
衰龍袍百官此日知何處惟有羣鴉早晚朝右題全筑二首馮元成集

飄泊江河四十秋於今白髮已蒙頭乾坤有恨家何在江漢無情水自流長樂宮中  
雲氣散朝元閣上雨聲收新蒲細柳年年綠野老吞聲哭未休斷絕紅塵法寺宗  
清高不比世人同牢鎖心猿歸定寂莫教意馬任西東禪杖曾挑滄海月翠巖又接  
祖師風吾今滿眼空門事幾個知音了悟功黔記

衡州有建文岩以建文帝自南中還寓衡之華嚴寺當岩坐故名有碑記有秦草

有稱匡僧瓊俊見吳人朱鷲建文書法擬萬歷戊子老僧大慧來自衡中言

雲南武定軍民府獅山之半有庵曰龍隱中祠建文帝云棲山四十餘年始自田

州歸大內今其像禪衣錫杖淒然老衲狀也

錢塘縣□□大遮山東明帝帝嘗隱此有遺影云帝自寫今塑其像髭鬚面

紫其遺影近一紳購去

武庫縣道寺題壁江湖偏覽此間停終日觀瀾坐梵局近水魚游千頃碧長空鷺

戾九霄青聖賢道配乾坤德日月光華草木馨媿我遠來山寂處誰言道有少微星

讀次辛亥孟夏梅□書相傳建文帝題大書適逸末一字未辨

帝嘗寓吳江史翰林仲彬家篆書小雅堂史孫女適嘉善池灣沈氏移榜去懼禍鏤

其題識沈石田先生有登小雅堂哭史仲彬詩

### 建文皇帝葬

建文墓在西山開嘉靖十五年九月聖駕嘗幸此王在晉長安客話

天下大法師之墓在北京黑龍潭二里劉侗帝京景物志

建文帝葬處距景帝陵不遠石碑題曰天下大法師之墓射馬都尉鞏永固請

謚稱皇帝。上語輔臣曰。建文無墓。何憑追復尊號。乃止。蓋輔臣不知據此。以於也。

楊士聰玉  
堂舊記

### 方孝孺辭稱先生

方遜志與潘擇可書。辭稱先生。前輩虛受如此。今學語免灾梨。輒自稱先生。寧不顏汗。

### 雪庵和尚詩

典衣沽美酒。斲竹釣金鱗。請我師師友。邀他上上賓。風吹椒樹老。雨洒桂花新。百歲如彈指。相逢莫厭貧。

### 許觀考滿呈式

翰林院修撰許觀。年三十三歲。係直隸池州貴池縣。在城民籍。由本縣儒學生員。洪武十七年歲貢考試中式。送國子監讀書。當年中應天鄉試。為丁父憂。不曾會試。洪武二十一年十月間起復。仍送國子監讀書。洪武二十四年二月內。禮部會試中式。三月初十日殿試。賜進士及第。當月十七日。除授翰林院編修。洪武二十五年。除授翰林院修撰。洪武二十五年八月二十三日。聞祖母喪。承重丁憂。洪武二十七年十

一月二十三日服滿。洪武二十八年正月內到部。□□日復除原職。至洪武二十九年八月□日實歷俸三十七個月。已是三年考滿。例應考核。今將任內行過事蹟。有無過名聞坐。類至呈者。一事蹟。撰述文字。檢閱經史。撰寫刑部等衙門榜文。編寫諸司職掌。編寫省貪等錄。考試歲貢生員。考國子監每季課業。清理軍職貼黃。註銷各衙門前件。一過名無。本院學士劉三吾署考云。修撰許觀。發身科第。擢居翰林。器局疏通。滋事勤謹。在任三年。可謂稱職。舊京詞林志

許觀。洪武庚午鄉榜三十一名。

許觀籍沒。弟觀。匿廣文麻舍中。得脫。遺腹子□。寄育外家郭氏。郭自有子。長而相詬。謂爾待中宗人。是罪孽也。訟於官。郡守閔之。令仍黃姓。後黨禁解。萬歷丁酉。蜀人龔文選。以御史按部至貴池。訪侍中裔孫父之得二人。各持世系上。御史留其一日。此為真。故。贗也。縣官請其故。曰。身即侍中族裔。往避難。竄蜀。改姓耳。因奏立祠奉祀。釋其姻黨。翟翁二氏永戍。廩其裔於學宮。觀夫人翁氏家尚存。多居郡城。貴池蔡生說

吳氏許觀字瀾伯。有高行不仕。於侍中同時同名字。見文徵明跋江貫道畫卷。

建文中太常寺右少卿兼學士高巽志謚文忠

貢士沈祐秀水志

周玄初鶴林集巽志作周尊師傳後題洪武三十五年歲次壬午春正月前吏部侍郎太史河南巽志革除之後不著建文職官而遜國記未之詳俟更考之

### 建文遺臣

金華楊榮由歲貢敦尚風節以詩文名官國子助教靖難未棄官歸永樂初詔錄舊臣榮辭不赴強至途中嘆曰吾何顏復樹名仕籍乎遂赴水死

朱寧一名寔字士安洪武中嘗為汀州同知調河間奉母就養時守闕寧暑即行乘幾靖難兵起倉卒城陷遣人送母由間道馳歸抱印抗節因械軍中永樂初請其良鄉十餘年備嘗艱苦作耕雲軒以自適後赦歸以主簿起竟不就辭疾歸母已沒痛悼不已廬墓終身

以上俱湯溪縣志先屬金華縣

仙居顧碩以通經授石樓知縣擢吏部主事文皇帝即位召之不赴棄官逃去為富家牧牛每至山椒水湄輒飲泣微咏出牧攜一竹筍緘勝甚密暮歸即枕之臥或問此中何物珍之乃爾即悶悶不答至永樂終盡赦死義家聞之歌曰騎牛孺豎過前阿手執牛繩口歎歌牛飽人飢欲歸去幸何幸何幸何乃開筍出衣冠服也辭

主人而歸。詢其詳。乃頌也。山語

袁叢所者。不知其名。永樂初。流寓常山之松嶺。為人易直善飲。飲酣。輒書淵明五柳圖詩。書罷。擲筆悲吟。繼以濺淚。又常夜宿旅店。聞人行聲。起題詩於壁。悲吟達旦。一江西布商見之。曰。此吾鄉某編修。何為在此。袁趨掩其口。商佯不顧而去。後十餘年。贅一婁婦。死。婦家。藜杖芒鞋。白衣裹山中。甲子自春秋。呼兒點先帝門前柳。莫遣

飛花過石頭。

過淵明五柳圖詩

宣德初。有絳竹山人。題詩於浦城之黎嶺。山河形勝。今猶在。宮闕趨蹌事已非。冀野風生雙虎鬥。城陽火起一龍飛。傷心何忍聞黃詔。稽首無緣見袞衣。擊石猶懷千古恨。仰天血淚不勝揮。

萬州海雲庵有老僧示寂。衣上有詩。十年依佛國。萬里走天涯。舊主無尋處。孤臣敢

問家。何心嬰組纜。有血滴袈裟。寒食魂應寤。悲歌愧五蛇。

以上俱錢牧齋國朝詩選

燕人南征。莫定知府全椒徐文晟。頃閉城不應。後登極。查理不肖官。戍興州中屯。儻善玉。臣擊登聞鼓。訴冤得末減。

常熟給事中黃鉞。叔楊。亡子。弟之裔曰可仕。亦絕。有林姓。是其嫡族。許子治說

### 茅大方

泰興茅大方。謁孟廟詩有序。歲次庚辰夏五月。大方偕大理丞廬陵彭與民。拾遺楊李朱逢吉。承制來撫魯齊兵民。道滕過鄒。謁拜祠。敬賦一詩。以志瞻依之意云。鄒國城東有舊祠。冕旒遺像儼容儀。母賢昔著三遷教。子聖今為百世師。故里尚瞻堯祖豆。新碑還刻斷機絲。焚香拜手登車去。千古無忘義利祠。今石刻首四字。鏡去蓋建文二年。隱可識也。三遷志

### 烏鎮九老會

烏鎮九老會。漏叔瑜字大美。號越南。會稽人。革除時。河南道監察御史唐其道鳳陽人。革除時。以文史院出署天長縣丞。並寓烏鎮。孫孟吉字兆禎。烏鎮人。革除時。建文閣太常寺博士。時年八十五。以上三人。俱遜荒行避者。備革朝遺臣之闕。

### 建文書法擬

吳人朱鷺白民。著建文書法擬。求姚太史希孟序。太史崇禎初方赴召。恐觸忌。遺金一鎰而別。

神虎

燕王舉兵靖難夾河之戰。前一日忽有虎突御幄前。諸將駭怖。都督譚淵一矢殪之。王大喜。謂翼日戰必勝。胡日為盛庸所攻。失利。淵死之。子忠封新寧伯。立廟於門左。肖虎。見張果白先生神虎傳。

脫袴治贈

永樂元年八月成陽侯張武卒。上出內廐鞍馬賻之。令有司治葬具。

致仕官掌印

永樂七年春。上幸北京。詔天下致仕官皆掌印於各郡縣。於是致仕衛輝知府義烏胡禕。掌常州府印。已解印去。通判夏英命無錫訓導瑞陽盧立魁作序送其行。未書某序。不稱頓首。僚友知府黃弘同知洪庸。通判夏英推官靳俊拜贈。永樂二年正月十七日故衛輝知府胡禕來朝。年老賜冠帶宴賞。致仕賜勅。

世廩生

江陰鄧師錫。原安南降臣。其子孫世順天府儒學廩生。聽科貢。

戒庵漫筆



明初文臣多不得封贈。贈父母暨妻。始永樂十年。時僅八人。西揚勒石以垂後。

### 崑山鄉舉

永樂甲午。崑山起送諸生科試。止五人。曹瑜戴義陳劬王永和夏昶。是年皆中選。而

永和為名臣。

偶反醉吟錄

### 永樂程錄

永樂庚子科。浙錄按察使一人。居首監臨。由監生。次巡按御史。次布政司。時尚執法。

故首臬司也。舉子書名。每行書二人。李樂見聞雜錄

### 補印

永樂十六年。慈溪縣失印。請更鑄。朝議恐舊印復出。易為好。改印文從谷。曰慈溪。

### 宮妃歸寧

永樂二十年。恭順榮穆麗妃陳氏入宮。寧陽侯陳懋女受冊。尋命歸寧父母。養子甚屬。

### 佛郎機

佛郎機鳥銃。相傳得之番舶。都督戚繼光。署登州衛印。發地窖。永樂時佛郎機。年月鑄文可攷。又庫有鳥銃。

兩京官俸

兩京官俸微有不同。如南部主事支米三石。北部支四石五斗有奇。折俸亦不同。

史官侍班

常朝御皇極門。史官四員。班左右各科前。午朝會極門。史官二員。列御座東稍南。至機。鑿宣召。史官不侍。

督都官擁蓋

南京各官。惟大司馬閻武及都督御史張蓋。大司馬八駟。御飛鶴袍。

中使司

洪熙元年。封皇女六人為公主。命先為嘉興。延平。慶都。三主府。造中使司印。中使司有正副。亦閹人為之。如王府之承奉。非唐家以士人充僚佐也。

賜宮媛家僮

仁宗賜太醫院使蔣用文宮媛李氏。莊氏。徐氏。賜御醫何淵手札三十一道。家僮二。及芝馬二匹。

巡撫歲入京

宣德時令巡撫歲八月赴京議事。

### 大臣除伍

宣德時兵部右侍郎錢塘徐琦。戎籍寧夏。以使安南稱旨。特除其軍籍。後樞部為例。不奪功臣宅。

宣德五年十一月丙辰。秦府保安王熒請故陝西都指揮使陳懷宅。為洛川縣主。居第。上諭工部尚書吳中曰。陳懷功臣。若尚有親屬。安可據奪。其令陝西三司覆覈。噫。視斥郭汾陽舊宅入法雄寺者。何如哉。

### 蜀邸聲銃

宣德五年。蜀王府忽舉炮銃。總兵陳懷以聞。上責輔導官。謝還護衛三之一。今熙洽極矣。江南喪嫁。銃震城市。了不禁也。

### 學憲兼民事

正統元年五月壬辰。設京省提學憲臣。二年八月。命憲臣兼督民間栽種桑柘。先是。守令提調諸生。孟月試經義。仲月論表。季月策。皆在學舍。

### 典史進俸級

正統時山東長清典史淮安何總九年任滿邑人乞留進九品俸級張清致先朝實錄錄于下吏類多匪獨何總也

### 孝子孫庸王相

正統九年孝子滁州孫庸返自廣西庸字允良其從大父豪為園人隸大僕馬死當償耕之廣西市馬以補之其父景和代行是時庸娘財七月景和道得暴疾死南寧僧行者告官官為藁葬已而生庸比壯語及輒哀斷絕恨不知死所一日閱故籍見狀銳蓋往乃徒步至南寧求不得遂披髮曳鞵窮歷山谷已得老嫗示葬處因發得骸封血淋漓之血輒沒入乃負歸歸葬城南旦子岡廬墓如初喪君子曰可謂孝矣以後嗣繼述未得旌胡松曰子少時數聞長老賢通於事者皆言庸孝不誣且言庸有友十數人既並死惟庸每歲伏臘必列其位躬奉觴上食泣如與對酒數行而後已蓋孔子有言久要不忘平生之言庸豈其人哉其諸異乎市道交以存沒興衰為離合乎又嘉靖十六年四月巡撫御史蘇叢禮於孝子王相之廬相滁州衛人早喪父母責民窮委曲奉事得其歡母衰老畏寒相溫枕簟不替垂十餘年冬深寒甚常橫臥牀第取母足加腹煖後費齒盡落不能啜含哺哺之病遺矢養上必自舂滌其喪

毀剝不勝朝夕號出入告殯及葬自起塚日奉飲食跽墓獻哭憶慨焉如弗及胡松曰孟子有言狂狷不可必得故又思其次末世俗靡士或迷方輕薄認詞去道遠而不能操秉一行久不易者蓋亦鮮也王相不知書其所自盡士或不能逮雖其天質之美良其風軌所被可以興矣昌黎云無亦使其無傳焉余是以述之

滁州志

夫宗伯不由翰林

正統己巳禮部尚書錢塘楊寧嘉靖甲申禮部尚書遂寧席書萬歷庚辰禮部尚書嘉定徐學謨皆起著著聲

高鏊

高鏊字企之嘉定人少孤其母改適乃從外舅氏遂冒其姓舅氏故太醫官居京師鏊因習醫補太醫久之直內殿正德十四年二月上書直諫上怒下詔黜榜三十明日跽午門五日復榜五十戍烏撒衛嘉靖初放還晉御醫復高姓自後朝士多新貴無知鏊者而鏊亦自晦匿不言先朝事守官垂四十年不調嘗考績尚書吳山展其牒矍然曰此即武廟時徐鏊邪嗟何淹也久之調南京隆慶二年卒年八十三

呂尼沮駕

己巳 上出紫荆關陝西尼呂氏迎駕言其行不利。上怒叱捶之尼坐化去。今順天保明寺供其像封為御妹俗稱皇姑寺。

### 景帝墳園

景帝墳園不稱陵在金山口距西山不十里陵前坎陷樹多自楊及椿皆合三四人抱高可三十丈李夢陽集句北極朝廷終不改崩年亦在永安宮雲車一去無消息  
吉來回岩樓閣賦

### 軍運

景帝前漕船無定制天順後定船一萬一千七百七十五隻官軍十二萬一千五百餘員名一萬五千三百三十三隻分十總

南京總各衛一千七百六十隻

江北總各衛二千六百九十四隻

中都留守司八百八十八隻以上俱清江提舉司造

山東郵司七百七十三隻額二十八萬石內折七萬石衛河提舉司造

浙江郵司二千零四十六隻額六十萬石嘉靖三十三年浙東西分二

江西都司八百九十九隻報四十萬石

湖廣都司七百五十九隻報二十五萬石內折三萬七千七百三十四石七斗

河南□□□□□□□□報二十五萬石內折七萬石

江南直隸一千四百四十三隻以上俱各原衛所造

遮洋海船五百二十五隻衛河提舉司造

今額船萬二千一百四十三隻米四百萬石每船正米三千三百石定百石加耗九石八斗又月糧四十金行糧十六金

### 江南民運

民運白糙粳糯隆慶二年奏定府佐一人領州縣佐一人副馬正月解維六月告納否則罰六年許同軍船挽進

蘇州船百二十七隻糧七萬六千零五十七石

松江船九十四隻糧六萬一千六百四十石

常州船百二十七隻糧三萬三千一百二十五石

湖州船八十二隻糧□萬□千□□□□石

嘉湖專供光錄寺酒醋局浮費猶省。弘治十□年。安吉知州舒城鄭昌奏除安吉白

無錫縣供御上白米。歲一千三百三十一石。常用七百餘石。

### 南京貢船

司禮監制帛二十扛。五船筆料。二船內守備鮮梅枇杷楊梅各四十扛。或三十五扛。各俱

細尚膳監鮮笋四十五扛。八船鯽魚先後各四十四扛。各船內守備鮮椒攪等物五

十五扛。六船鮮笋十二扛。四船木犀花十二扛。二船石榴柿四十五扛。六船柑橘甘蔗五十扛。

尚膳監天鵝等物二十六扛。三船醃菜苔等物百有三罈。七船笋如上。三船蜜煎櫻桃等

物七十罈。四船乾鱔魚等百三十盒。七船紫蘇糕等物二百四十八罈。八船木犀煎百有五

罈。四船鷓鴣鴛鴦等物十五扛。二船司苑局葶薺七十扛。四船薑種芋苗等物八十扛。五船苗薑

百扛。六船鮮藕六十五扛。五船十樣果百四十扛。六船內府供應庫香稻五十扛。六船苗薑等

物百五十五扛。六船十樣果百十五扛。五船御馬監苜蓿種四十扛。二船共百六十六隻。龍

表板方黃魚等船不預焉。兵部馬快船六百隻。俱供進貢。

### 上林苑



上林苑蕃育署。畜養戶二千三百五十七家。牧地一千五百二十頃三十四畝。鴨八千四百七十隻。鴨二千六百二十四隻。雞五千五百四十隻。光祿寺取孳生鵝一萬八千隻。鴨八千隻。雞五千隻。線雞二十隻。雞子十二萬。太常寺薦新奉先殿。新雁十二隻。雄嫩雞各十三隻。鴨子二百四十。雞子二百八十。本監歲進貢鵝六十五隻。鴨黃七十五隻。雞黃五十隻。大雌雞十五隻。鵝子九百五十。鴨子二萬五千。內府供應鴨子三萬。

嘉蔬署栽種地一百十八頃九十九畝。歲造宮菜十三萬七千五百八十三斤。是禿祿寺青菜二十四萬七千五百斤。芥子七石八斗。良牧署牧戶二千四百七十六家。草場地二千三百九十九頃十三畝。牛九百二十九隻。牯牛九十七隻。犍牛八百三十三隻。羊二千五百六十九隻。絲羊二千三百九十六隻。公羊二百四十八隻。母羊一百五十七隻。兒豬六十六隻。母豬千隻。光祿寺歲取孳生牛八百隻。羊五百隻。羊羔二十隻。腌豬二千口。正旦冬至節。豬千口。內府丁字庫。歲收羊毛二千四十六斤四兩。太常寺薦新活兔八十一隻。

松江布

成化間。松江人以布餉貴。近流聞禁庭。下府司織造赭黃大紅真紫等色龍鳳斗牛麒麟等纓骨款並緣為好。一匹有費白金百兩者。孝宗在東宮深知其弊。即位首罷之。嘗聞內帑見之曰。此布一匹。文綺十匹價也。終身不一御。自是遂絕。松江志

松江綢布。輸京十二萬三千八百六十匹有奇。華亭六萬五千一百匹有奇。上海四萬二千七百二十匹有奇。青浦二萬三千四十匹有奇。萬歷初加八千匹。

### 教官考績入京

教官九年秩滿考績。例入京。成弘間猶然後廢。不知何年。

### 南京左侍郎

南京各部。皆正統後俱右侍郎。成化十年。倪謙為禮部左侍郎。十二年。錢溥為吏部左侍郎。

### 浙東銀冶

浙東銀冶。國初歲辦二千八百七十餘金。永樂時。至七萬七千五百五十餘金。宣德時。至八萬七千五百八十餘金。正統間。減課止三萬八千九百三十餘金。景泰七年。止一萬六千零六十五金。天順六年。三萬零四十八金。成化三年。二萬一千二百五

十金。五年減一萬零二百三十七金。弘治二年止一萬零八百四十一金。見巡撫御史暢亨疏中。

### 大臣貶贈革職官

弘治十一年十二月丁巳。大學士謝遷言。臣祖榮任福建布政司都事。例不封。乞以已得誥命移贈。上並予之。天啟初。太子太保吏部尚書張問達言。臣父任四川眉州判官。坐劾奪職。臣令濰縣。復冠帶不得封。今乞恩命許之。

### 閣臣賜蟒服

弘治十五年十二月乙巳。始賜閣臣蟒服。

### 兩宮三殿災

永樂辛丑四月庚子。三殿災。正統乙巳六月。南京宮殿災。弘治戊午十月甲戌。清寧宮災。正德甲戌正月庚辰。乾清宮災。嘉靖辛丑四月辛酉。九廟災。辛酉十一月辛亥。萬壽宮災。其年月皆已酉午戌丙丁。

### 皇莊

慈慶宮慈寧宮乾寧宮。共莊田二萬一千一百六十六頃十五畝。徵五萬五千八百

十五金。煤窰七十口。座徵百七十金。果樹六十餘株。徵六十五斤。

### 教諭李璧

仁和學舍。有宋高宗手書石經。正德時。巡撫張承仁欲徙郡學。教諭李璧力爭之。張曰。吾徙府學。非私之也。何執為。曰。明臺為一浙主。徙之無所不可。璧官仁和學。知守鼓物。他非所知也。苟從命。徙是猶子孫不能為祖宗守祭器。尚可為子孫乎。張怒。欲撻之。璧曰。官可棄。身不可辱也。去官而移石經。非典守責矣。官猶在也。豈可以辱乎。乃止。自璧去。或移之郡學。杭州府志

### 教職左遷

正德時。龍泉教諭宜山高嵩。以亡功降。霍邱訓導。

### 提舉官疏薦人才屬官

正德九年。吾寧祝虛齋先生萃。任陝西按察副使。提督學校。奏薦地方人才。長安縣劉瓚。高陵縣呂柚。蘭州段吳。鄂縣王九思。藍屋縣王元凱。商州南鐘。華陰縣屈直。鞏昌府范鏞。慶陽府王綸。臣嘗相接。其所議論。規為皆非常才。士子所共推尊。軍民所共敬服。是皆先帝與陛下作養簡拔。殆非一朝一夕之故。云云。又奏薦賢才如

同州儒學學正魏謚。長安縣儒學訓導樊華。渭南儒學訓導李應陽。興平縣儒學訓導秦錡。學既醇正。行尤謹嚴。前提學副使朱應登。推教書院功緒甚著。長安縣儒學教諭董儒。三原縣儒學教諭申偉。泰安縣儒學教諭江萬玉。長安縣儒學訓導胡山。才德俱美。卓立不羣。米脂縣儒學教諭蘇文。藍田縣儒學教諭劉萬祿。出身雖由歲貢。學行無忝科目。云云按薦地方人才薦教職。今係撫按事。而舊見之學憲。想亦例也。正德後不復行矣。檢先生遺集。錄之以存餽羊。

### 富春註

富陽江之魚。富陽山之茶。魚肥賣我子。茶香破我家。採茶婦。捕魚夫。官府拷掠無完膚。昊天何不仁。此地亦何辜。魚胡不生別縣。茶胡不生別都。富陽山何日摧。富陽江何日枯。山摧茶亦死。江枯魚始無。於戲。山難摧。江難枯。我民不蘇。按察僉事朝邑韓邦奇疏載之。削籍。

### 省掾何麟

武宗微行。付大同抵太原。城門閉不入。上怒。遣中官逮山西守臣拒門者。按撫而下。皆怖。布政使吏沁水何麟曰。來旨未有主名。此易為耳。若厚賄中官。不令羅織。願

與俱往即上怒麟一身不足卹也。至京奏曰。陛下巡幸晉陽。維時司城門者實  
臣麟一人。他官無與也。臣不能啟門恭迎鑾輿。臣罪萬死。但陛下輕宗廟社稷而  
墮事巡遊。且易服微行。無清道警蹕之詔。白龍魚服。臣下何由辨焉。昔漢光武夜獵  
至上東門。守城郅憚拒而弗納。光武以憚為守法而賞之。今小臣欲守郅憚之節。而  
陛下乃有不赦之誅。臣恐後世以為臣之不幸。不若郅憚。而陛下寬仁之量亦遠遜  
光武也。有旨杖六十釋之。各官皆不問。沁水縣志

楊循吉

武宗南巡於北固山上見楊循吉留題。因召見行在。見上不能對。遂罷遣歸。忘者因  
以為伶人臧賢所薦。不知此際循吉貧不能糊口。其赴召也。與衣為裝。惡從市伶  
人王元美輕信。筆其事於危言。因而傳播天下。冤哉。徐文貞云。世廟初年欲起君  
謙聞其顛而止。楊公實顛。不以伶人事也。馮元成愚按正德十六年八月癸未。發京  
師。是日即杖臧賢等於午門。戍邊。安得從南巡薦循吉也。又江寧徐子仁霖亦曰臧  
賢所薦。是年十二月。上至南京。賢死久矣。流聞之謬如此。

貴池蔡鼎。正德辛巳進士。歷雲南巡撫都察院右僉都御史。訪黔國公沐真堂。設椅自中坐。左右列長杌侍坐。撫按察不耐坐。沐怒。命懸其杌。竟立啜茗而去。付嘉靖中。撫按始均席。

### 御容藏殿

嘉靖時。祖宗御容藏永孝景神二殿。

### 勳位

嘉靖乙酉二月乙未。故事。朝參序爵。南京元會習儀。靖遠伯王瑾。協同守備屠者。列南和伯方壽祥。不平。詬斥引下之。事聞。得旨。班序如舊。戒責壽祥。崇禎辛巳冬。歸南和伯方一元。協同守備班安遠。侯柳祚昌。上忿論。監察御史詹士恆。謂方領勳宜先之。兩事適合。又皆方氏祖孫。惜未引前案也。

### 白衣山人詩見夢

薛應旂嘗夜夢白衣山人。誦弔朱中丞。詩。玄墓山堂月色明。烽烟照見闔閭聲。徒薪自古無恩澤。宿草於今有甲兵。生死已隨朝露盡。是非猶逐夜鳥鳴。何年精衛能填海。常使人間恨不平。

大司馬起復

大順後。大臣俱終喪。嘉靖庚戌九月。起復揭陽翁萬達兵部尚書。崇禎丙子冬。起復武陵楊嗣昌兵部尚書。

鷹犬蟲蟻歲給

嘉靖丙戌二月。御史雷應龍疏曰。內坊鷹犬。歲給猪肉一萬六千五百餘斤。蟲蟻歲供。菜菔萬株五千二百餘石。費財損德。命覈其費罷之。

御駒

世宗七駿。玉麟飛白。玉馴碧。玉驕照夜。璧銀河練。瑤池駿飛雲白。神宗十二駿。玉御龍赤電。龍載月鳥。五花駿彩麟。文豹金麟。絳虬攢玉駒。玄雲駿躡雲駒。五口駒。嘉宗烏駝束玉帶。思宗四駿。太平駒。玉龍媒。吉良乘。塔臺駿。

貢象尾

嘉靖癸丑。暹羅貢黃白象。道斃。使者以珠寶飾牙。置金盤中。并獻象尾。按劉向說。死魏文侯使舍人毋擇獻鵠於齊侯。毋擇行道失。徒獻空籠。

朝遊



嘉靖庚戌大將軍伏鸞縱俺答出塞書我亭障曰伏鸞免送崇  
丙子金人深入畿  
內粉書邊堡曰百官免送。

金甌再卜

丙辰 上密書內苑撰青詞諸臣之名貯金甌中手探得嚴訥李春芳遂拜相崇禎  
元年 上卜相亦如之得來宗道楊景辰劉鴻訓周道登李標錢龍錫。

青田

嘉靖初郡縣率八月成白冊九月散青田至十一月畢稅後青田之散恆至歲終萬  
歷來民間並不知青田矣。

泉州志

隆慶黃光昇作泉州志載晉江知縣張文宿貪虐之跡而萬歷杭州志文宿以本貫  
陳善具述其美云晉江險惡難治今兩存之俟考。

宥隨駕監生

萬歷初幸太學有監生派執壺者竟隨駕入宮被詰其人懼甚上諭令扶出。

李偉

武清侯李儉。微時業巧。既貴。函封坊乃。慈聖太后嚴禁外家。或子弟陳乞。命進坊乃。示之曰。當時藉此為活。今極富貴。猶患不足耶。潞簡王之國。微行擅殺人。太后命大瑞封杖。杖四十。

### 詣惠山神文

無錫周子義。萬歷己卯主北關。受邑子之賄。拔置八十名。周歷禮部左侍郎。贈尚書。謚文恪。祠於惠山。謚修作詣惠山神文。末曰。祠亦安足重乎。象至不仁。而祠於貴陽。王振讓國。而祠於燕市。又安訝斯祠之作邪。試由常情以議。祠而出於人心之公乎。則可久。倘祠而出於一人之私乎。必不久。子不見祠於前者。陸羽李紳唐人也。秦觀充襄宋人也。倪瓚元人也。迄今向祀不絕。彼西施莊以獻。西施而作。蕭莊以蕭侍郎而作。通惠亭以錢仲仲而作。曩時非不選勝以章得意。而今安在乎。

### 少宰被杖

汪陵籍產。遷太監張程同刑部侍郎邱橐等。往追逮曾尚書省吾王少宰篆等。曾角中。青表。王直囚服乞哀。中官杖之事聞於朝。時沈光祿思孝戲陸少宰光祿曰。君善為劫。不聞少宰杖乎。

緬酋詭貢

邊人有持平緬夷二錦入見黔撫云。緬酋欲求入貢。撫臣遣申相國時行書。欲奏聞。申答曰。近時暹羅求貢。持上金葉表文。今第以一人持二錦來。真贋未可必。宜審實。而善遣之。非得金葉表文。不當為代奏也。撫臣乃止。後卒亡驗。求其人。則亡去久矣。夷情未可輕議也。

長昂射子

三衛屬夷長昂為雄。年六十餘。時入寇。一日出帳房。遙見二鹿。彎弓迭射。之應弦而殞。乃其二子。遂稍戢。

朱國祚

萬曆癸未。秀水朱文恪。進士第一。臚傳曰。文恪父太醫院使東山公。緋服侍班。乙未。修撰朱國祚為司經局洗馬。故事。鼎元無任洗馬者。八月充。皇長子侍班。尋清理貼黃。靖難功臣。舊署奉天。征討文恪曰。文皇不得已。值此。奈何以同姓加征。討名。悉改靖難。

宸翰

宣城沈修撰懋學賜御書謹言行明義理六字徑四寸。道整有法嘗見之。

太廟羊角燈

丁亥孟秋享太廟風猛燭滅太常寺丞讀祝高聲索燭因製羊角小燈二持照。

傳戴煖耳

癸巳閏十一月十二日輔臣王錫爵請傳戴煖耳故事十一月朔傳戴煖耳百官傳衣不謝傳煖耳獨謝。

喪儀

仁聖皇太后之喪。太宗伯范謙衣白入朝。至闕門忽傳各官衣青布袍。急出易衣以進。次日則白紗帽烏靴成服。斬衰朝夕哭臨。期畢而退。署衣冠皆白。經帶不除。二十七日後用三烏為烏紗帽。皂靴黑角帶也。又逾月易青素。大約百日更淺淡。服色行移。舊累有白紗帽。白布袍。布襪。蒲鞋。未年中宮之喪。浙省詔至。疑所服青白。竟青袍迎詔。

日本關白求封

萬曆乙未正月甲戌朔庚辰。日本差來小西飛彈守藤原如安。謹稟天朝兵部尚書。大保石老爺臺下。小的日本求封。蒙老爺天高地厚之恩。擔當如此。昨日四位閣下。

老爺禮部范老爺俱同老爺感心。大事已就。今在議封之時。特將本國應封人員開報。伏乞老爺照依後開緣由施行。舉國得安。萬代頂德。謹稟。計開 冊封勅書印信并各項儀制。務求老爺留神要好。不致貽笑朝鮮琉球海外諸國。至懇至禱。

一日本原國王無有。舉國臣民。乞封關白。自豐臣秀家以上五員。乞封大都督。獨行長加世西海道。永為 天朝沿海藩籬。且與朝鮮世世修好。

一釋玄蘇封日本禪師。

一豐臣家康豐臣利家豐臣秀保豐臣秀俊豐臣氏鄉豐臣揮元平國寶豐臣隆彥豐臣晴信豐臣義智。以上十員。乞封都督。

一釋宗逸封日本一道禪師。

一豐臣玄以豐臣長吉豐臣正家豐臣正威豐臣全家豐臣調信豐臣吉隆豐臣正信源家次平行親平末鄉。以上十二員。乞封都督指揮。

一平山五衛門早田四郎兵衛宅甚藏西山久助吉田善吉下甲石衛門西川與郎松井久大夫小昌久次大瀨少吉。以上十五名。勞苦三年。均乞封爵。再來盡應人員。乞給賜督札府十五張。亞都督札府二十張。臨時頒賞。使日本大人臣僚俱各

叨受 天朝爵秩遵 天朝命令

三月甲辰朔壬子。詔封日本國王平秀吉曰。朕受天明命。覆幬無私。仁育遐荒。有同宇下。惟爾日本。遠隔鯨波。昔嘗受爵於先朝。中乃自攜于聲教。爾平秀吉能統其衆。慕義承風。始假道於朝鮮。未能具遠。繼歸命于闕下。備見真誠。馳信使以上表章。干屬籍為之代。請恭順如此。朕心嘉之。茲特遣後軍都督府僉書署都督僉事李宗誠充正使。五軍營右副將都督僉事楊方亨充副使持節封爾為日本國王。錫以冠服。金印。禮命。凡爾大小臣民。悉聽教令。共圖綏寧。長為中國之藩維。永奠海邦之黎庶。懍遵朕命。克祚天休。故茲昭示。俾咸知悉。

朝諭平秀吉

朕恭承天命。君臨萬邦。豈獨又安中華。將使溥海內外。日月照臨之

地。固不樂生。而後心始慊也。爾日本平秀吉比稱兵於朝鮮。我天朝二百年。恪守職貢之國也。告急於朕。朕是以赫然震怒。出偏師以救之。殺伐用張。原非朕意。乃爾將豐臣行義遣使。滕原如安來。具陳稱兵之由。本為乞封天朝。求朝鮮轉達。而朝鮮隔遠。聲教不肯為通。輒爾觸冒。以煩大兵。既悔禍矣。今退還朝鮮王京。送回朝。歸王子倍臣。恭具表文。仍申前請。經畧諸臣。前後為爾轉奏。而爾眾復犯朝鮮。以失

鄰好。披露情實。果爾恭誠。朕是以推心不疑。嘉與為善。因勅原差游擊沈維華前去  
釜山宣諭爾眾。盡數歸國。特遣後軍都督僉事李忠誠為正使。五軍營  
右副將左軍都督府署都督僉事楊方亨為副使。持節詔封爾平秀吉為日本國王。錫  
以金印。加以冠服。陪臣以下。亦各量授官職。用溥恩賚。仍詔告爾國人。俾奉爾款。毋  
得違越。世居爾土。世統爾民。蓋自我祖文皇帝錫封爾國。迄今再封。可謂曠世之  
盛典矣。自封以後。爾其恪奉三約。永肩一心。以忠誠報天朝。以義信睦諸國。附近夷  
衆。務加禁戢。毋令生事。於沿海六十六島之民。久事徵調。離棄本業。當加意撫恤。使  
其父母妻子得相完聚。是爾之所以仰體朕意。而上答天心者也。至於百獻圖爾恭誠。  
但我沿海將吏。惟知戰守。風濤出沒。玉石難分。效順既堅。朕豈責報。一切免行。俾爾  
後覺。遵守朕命。勿得有違。天鑒孔殷。王章有赫。欽哉。故諭。

頒賜國王紗帽一項。金鑲犀帶一條。常服羅一套。大紅織金胸背麒麟員領一件。青

褶襖一件。綠貼裏一件。皮弁冠服一件。七旒縐紗皮弁冠一項。疏珠金玉挂一柄。

五章絹地紗皮弁服一套。大紅素皮服一件。素白中單一件。縵色素前後裳一件。縵

色素蔽膝一件。玉鈎縵色粧花錦綬一件。金鈎玉紅白素大帶一圍。大紅素縐緙烏

一雙鑲丹碧紅羅銷金夾包袱四條。紵絲二匹。黑綠花二匹。深青素一匹。羅二匹。黑  
絲一匹。青素一匹。白縵絲布十匹。封日本國王平秀吉誥文。皇帝制曰。聖仁廣  
運。凡天覆地載。莫不尊親。帝命溥將。暨海隅日出。罔不率俾。昔我皇祖。誕育多方。  
龜紐龍章。遠錫扶桑之域。貞珉大篆。榮施鎮國之山。嗣以海波之揚。偶至風占之隔。  
雷鼓盛隆。宜續襲章。咨爾豐臣平秀吉。崛起海邦。知尊中國。西馳一介之使。欣慕來  
同。北叩萬里之關。懇求內附。情既堅於恭順。恩可靳於柔懷。茲特封爾為日本國王。  
錫之誥命。於戲。寵賚芝函。襲冠裳於海表。風行卉服。固藩服於天朝。爾其念臣職之  
書修。播脩。妥求。感皇恩之已渥。無替欵誠。祇服綸言。永遵聲教。欽哉。

朝鮮上書

萬曆三十四年丙申五月十八日。朝鮮國王李暉。書奉天朝石太師閣下。吾聞天朝  
之夫。思封日本國王關白。實太師之獨力。擔當運籌。日本豈不欲封。不料海上風霾。  
漸熾。或風或雨。或晴或陰。又兼山水相衝。舟不能渡。但日本至釜山順水。釜山至日  
本逆水。一朝風狂大作。浪過於天。故此遲延月日。吾已於四月十三日。差陪臣哈金  
鐵二十餘卒。探聽日本情形。至二十日方回。日本國王關白。求天朝之封甚要。但倭



將清正詐幻多端。其行長恭順之心。亦有故將倭分作三班。已渡二班。止有清正。倭分作一班。已屯於釜山。故行長正誠回奏關白。言倭衆二班已渡。止有一班迎接。天使一同渡。關白亦言天使一渡海後。倭衆盡數撤回。不許遲緩有違。其天使往。但我禮接不周。有慢天使。故於正月十五日。差行長來請沈維敬過海。講說禮義。以迎天使。往封。其沈維敬已至相罵島地方。去日本止隔二百餘里。其關白又見沈維敬渡海。又見天使入營。故同行長將清正之倭盡數撤回。其清正不肯。行長又差罷。釋回奏關白。關白大惱。將糧米盡不發去。故清正問小國要地圖。要穀種。思屯田積粟。故吾將穀種與三十石。地圖一張。差陪臣永正賫至馬領地方。清正見吾穀種。又有地圖。中烏嶺有伏兵之處。扼塞有養馬之場。其釜山至登萊。乃深山大嶺。虎穴之處。兵不能進。馬不能行。止有一條小路。長三百餘里。有七十二灣。土兵能進不能出。其懼吾不敢犯。又聞天使於四月初三日。夜逃出釜山。不知何意。但日本且有恭順之心。於天朝。而天朝反無撫恤之心。於日本。釜山恬然。乃是大人威震。我已遺書與關白。天朝差冊使出釜山。一年有餘。爾國如何不差使臣迎請。關白亦答云。但封我。甚要。只待風息。館舍有備。不日即迎請矣。日本情形如此。特差小卒尤禹賫覽。以便施行。

伏祈照鑒不宣

王守仁誣楚府寄物

萬曆三十四年九月二十五日。湖廣巡按御史趙文炳奏都察院勘。札准本部題復。留守後衛所掌印百戶王守仁奏稱。太叔祖王弼誥勅符券甲冑器仗金銀珍寶衣飾器用各造文冊一本。陝西庄田場厰文冊八十六本。俱承奉錢保領回楚府寄庫奉旨。這所奏事情。差該部查明具奏。欽此。欽遵。該本部看得守仁所奏事情。伏候命下。畧臣等備行湖廣撫按官員。差令長史司啟王根究原委。王弼長女。是否植王天妃。王鑄勇瑁。是否王妃撫養。寄庫財寶。果有若干。合用典籍。有無見在。事在先王非條侵占。無妨從實檢奏。蓋聖主明見萬里。自有睿斷。非臣等所敢輕議。等因。奉聖旨。已有旨。欽此。又准本部咨為恭進家財成冊。上徹御覽。以便差官查取事。亦該留守王守仁。同弟定遠侯嫡孫應龍王景夔奏前事。并稱楚府承奉錢保領奉兵部鳳字一千六百三十八號勘合。扛運回府。開造畧節總冊。一樣三本。將一本進覽。一本送鳳陽府收貯。一本給應襲王瑁。日後襲爵收照。以備查考數目。奉聖旨。這本內事情。着司禮監選差公正內官一員。帶領原奏官王守仁。即便前去。會同該撫按官。令長

史逐一對查明白。從實回奏。欽此。欽遵。移備到臣。准此案照。臣先於閏八月二十日。接得前報。恐有疏虞。不待部檄到。即會撫臣李得陽。牌行布按都三司。及守巡二道。遣官軍於楚府各門。晝夜嚴行防守。出府員役。搜檢放行。不許夾帶一物。及將紫關人犯郭倫等。行長史拘禁候勘。并曉諭居民。不許窩隱受寄外。於九月六日。該司禮監大監孫舉。錦衣衛指揮莊德福。捧勅前來。臣即會同太監孫舉。指揮僉事莊德福。巡撫李得陽。督同司道等官。左右政陳洙。右參政陳璧。副使張季思。參議丁繼嗣。武昌知府劉以煥。江夏知縣葉鳳祥等。迎進楚府。開讀畢。將錦衣百戶鄒質魯管押。奏發原奏百戶王守仁同王錦襲。并令楚府長史董學禮。龐尚童。帶全承奉郭倫等。面啟楚王。請合同冊籍對冊。本王執出玉牒。並諭本府原無損王。正祖昭王元配王氏。係王弼女。洪武十二年正月初四日。冊封為妃。洪武三十年初五日薨。王弼於洪武二十七年。坐叛臣藍玉黨。國除。今王守仁奏係弼男王鑰。於永樂十四年身故。遺男王瑁。挾貲就祖姑妃撫養。維時祖妃已薨二十餘年。誰為收養。最後王氏子孫。因無依來府。先王閔念親戚。相依至今。尚有子孫王子孝。王國忠等。在楚居住。其王守仁。錦襲不知何代人氏。並非本府收養之人。亦原無合同冊籍。本府自來並無承奉錢。

停等情。臣等隨帶郭倫等至長史司。再三鞫審。執稱二百年來。並不知寄有前項金  
寶。臣等又進王府。啟王查取前物。王諭本府兩遭回祿。後宮邱墟。並無庫藏。王守仁  
所奏盡屬欺妄。予現居東首書院。引臣等齊進。將本府財物盡數盤出。臣等眼同將  
王守仁所奏原冊查對。並無一物相同。當即登記封本府收貯。時聞宮眷悲號。臣等  
各散。次早復同太監孫舉指揮莊德福再進本府。令奉御長史等官。啟王查取。王諭  
本府財物。自嘉靖二十四年。祖愍王宮變。予父恭王年才四歲。叔祖武岡王顯槐攝  
國時。看通山王英炊與槐許奏。欽依着湖廣撫按三司等官。逐一查明。實止得銀十  
九萬六千四百四十兩。銀器四千六百九十五兩。金器二百六十兩五錢。彼時並未  
盤有玉弼。寄頓金寶等物。至隆慶五年。余父薨。予在襁褓。武岡王復攝前銀費用無  
存。祖愍王氏奉欽依道院查盤銀兩。委係武岡王盤出。今予長成。自行取討。卷  
輦可查。余自十歲受封。武岡王薨。長子英燭相繼物故。前銀未得分毫。且嘉靖年間  
至口罷奏。並未稱有前項金寶等件。卷案現存。其陝西庄田。乃洪武二十一年十一  
月十八日奉 太祖高皇帝聖旨。你征雲南阿魯禿等處。建大功。特賜秦馬三十四  
黃牛三十四頭。犂牛一千頭。羊九千隻。并陝西西安州喇都草場一處。牧羊世守。欽此。

即蒙永樂宣德正統景泰天順成化各年以來借用駱駝馬匹屢降勅書前十五道現存可証。至萬曆九年奏經戶部議覆本府照舊管業並未奏有子粒官收貯庫俵王氏子孫襲爵給領明旨予宮所有已盡無遺。如以余言欺誑余願帶同宮眷避出外宮聽憑欽差並撫按會同進宮遍行搜掘等情。並具揭送臣等。本王隨出宮外聽掘臣等念未奉旨不敢擅入。當即勸王回宮。該臣等看得王守仁所奏冊內財物額數百萬。率皆人世罕有奇寶。今據所盤銀兩器皿。不過近世常物。僅止數千。似與所奏大相矛盾。將以為隱匿。則本王且請搜掘矣。臣等伏維楚王皇上之親屬也。素稱守禮奉法。未聞過舉。一旦以二百年前無稽之事被奏。已經防其門戶。拘其侍衛。盤其積貲。宮眷驚惶。相對啼哭。在臣等奉命恪職。不得不爾。然於楚王國體亦大辱矣。若再令出宮搜掘。毋乃非。皇上親睦之意乎。况其兩經回祿。一遭宮變。相繼劫孤。迭更攝國。即使盡力搜掘。王弼遺賫。諒無可得之理。而情迫勢窮。萬有一意外之變。所不忍言者。則臣等不能任事。罪固難逃。而於國家體統所損。非渺小矣。伏讀明旨。仰見聖心。原為闢念功臣之後。故有此查。今考之往牒。與守仁所奏。有大謬不然者。如昭王元妃本薨於三十年也。而曰永樂十四年。本妃奏取王瑁撫養。王弼於洪

武二十七年。坐叛臣藍玉黨不食死而除封也。而云弼男王鑰承襲於永樂十四年。病故。陝西庄田奉。太祖高皇欽賜。萬歷九年。又經戶部題覆奉。皇上明旨。給與該府照舊管業也。而曰子粒官收貯庫。侯王氏子孫襲爵給領。此皆載之典籍。昭然易見者。尚敢虛捏。王守仁錦襲。果否。王弼子孫猶未可知。况於所奏財物。又何足憑哉。容臣等會議明白。另奏外。惟是楚王請避外宅。搜掘宮中。臣等未敢擅便。伏候聖裁。

### 東宮冊婚

辛丑。東宮金冊。用足色金十五兩。八成金三千九百八十五兩。七成金一千七百五十兩。東宮大婚費八十萬有奇。冠三百副。耳索珠至百二十二萬。金翠十八萬有奇。福王婚費二十萬有奇。

### 取枯子松

萬歷十年。工部咨南京兵部。取壽宮枯子松樹九百一十八株。坐派蘇杭松江各撫按專委府佐貳官總理採辦。完日。遣官押解。帶園丁沿途澆灌。仍咨本部。發馬快船裝載。

乙未四月七日。文書房傳旨。着四川布政司照進到年例扇柄內。欽降花樣彩畫面。各樣龍鳳扇八百一十柄。內金釘鉸彩畫面。渾貼雕邊骨。龍鳳舟船扇十五柄。壽比南山。福如東海扇十五柄。四陽捧壽福祿扇十五柄。百子扇十五柄。羣仙捧壽扇十五柄。松竹梅結壽祿福扇十五柄。七夕銀河會扇十五柄。菊花鬼兒扇十五柄。天師降五毒扇十五柄。四獸朝麒麟扇十五柄。孔雀牡丹扇十五柄。蒼松皓月扇十五柄。菊花仙子扇十五柄。閒花扇十五柄。滿地嬌翎毛扇十五柄。金菊對芙蓉扇十五柄。錦帳花木貓兒扇十五柄。人物故事扇十五柄。四季花扇十五柄。茶梅花草蟲扇十五柄。聚番扇十五柄。白澤五毒扇十五柄。盆景五毒扇十五柄。八蠻進寶扇十五柄。百鳥朝鳳扇十五柄。盤桃捧壽扇十五柄。以上三十三樣。俱全釘鉸彩畫面。渾貼雕邊骨。每樣添造四十五柄。共六千柄。每年為例。其餘年例的。今年二月傳添造的。八千八百柄。俱照樣數。每年如法精緻。赤金造進。禮部知道。

### 王文肅晚召

丁未復召太倉王相國。錫王即家疏規時政。刺切言路。蓋華亭陳繼儒代草者。陳過示王吏部。士吏部遽郵之。言路諸公。競謂其沮抑。羣詆之。太倉遂不起。

梁鵬

萬曆中順德梁鵬知崇安縣。趙堂柱曰庫無耗頭。里無私派。鋪無當行。望鄉者訪聞相告。吏怕沈案。差怕索錢。民怕健訟。期子姓敏德。還淳。陞戶部主事。

閣臣避道

蒙罕平湖陸光祚富平縣。丕楊俱不避閣臣。輿見忤張新建位。遂許富平。後富平再起。避福清葉少師。又不可解矣。駙馬都尉楊春元並道福清。貽鮑祠部書曰。都尉不避之。詭必以會典為言。不知今之禮部俱不依會典。只照見行事例耳。會典所言。概舉公侯駙馬。而公侯在前。今試問諸公侯有一人不避閣臣者邪。若盡依會典。則豈但公侯。即六卿長丞皆不當避矣。古之宰相禮絕百僚。今之閣臣猶虛被此名。故自僕入都。文武大小並未見有塗遇直突而過者。即駙馬亦有數人。何獨楊君不避耶。

安南上書

安南某人失風於浙。見拘。上書曰。臣聞均覆載者天道也。普仁恕者王道也。何地非王土。何人非王民。臣本安南。身非叛逆。世受國制。迄奉我主。差往萬王省墓。忽遇風作。扁舟幾覆。幸漂流至此。臣等忻忻相告。人人得觀光上國矣。正喜懼交接。天兵四



團俛首受縛。今繆繼我。羈縻我。以夷論我。亦何以柔遠人也。游魚思故淵。飛鳥思故枝。人情寧有不同者。如 皇帝以夷論我。則概郡縣。何非王之土地也。概蒼生。莫非王之人民也。我何獨外於清朝。使我父母妻子骨肉不相見也。喪身異地。不亦憐乎。乞 皇帝早賜杯水。用甦涸轍。大開惻隱。俛示指南。臣等不勝忻躍惶悚之至。

### 戲賞

內臣有進小兒風車之戲。值不一錢。上喜其颺轉。賞千金。羣闈豔之。募制銀舟。注酒帆舉。機捩巧絕。費百金。上善之。而向之戲車狎久生厭。即停賞。進銀舟者。其人大失望。司禮太監田義。頗洽。上心嘗跨馬。命義操筆而從。既弛勒。義求犒。予之千金。一日命義跨馬。上自操筆從之。事訖。亦索犒。義知其指。大有所飽。

### 荒慘

萬曆丁巳戊午。山東海饑。人相食。萊州市人肉。慘不忍述。有中州人兄弟並無子。來買妾。或以姑嫂欺之。夜宿。兄得其姑。狀極誠朴。告曰。爾弟為我嫂釜中羹矣。兄亟趨視。炕下之首儼然。駭而走。訴縣。官抵嫂罪。携姑以行。

崇禎庚辰秋。山東河南山西畿南人食木皮。至冬人相食。辛巳。江南北皆競棄子如

售器具。流錫塞路。少婦不值千錢。市餅餌。輒袖之。否則見奪。斗米三錢。杭州諸生某家三四人。因米肉不支。雜以砒礪。啖訖俱死。

### 八品官貶封

八品官例不貶封。萬曆末。行人司行人吳伯玉。請比五經博士例。追封其母。有旨止。予棄服。著為令。

### 分黨

萬曆素。朝士分黨。競立門戶。有東林之黨。無錫顧憲成。高攀龍。金壇于玉立等。廢居講學。立東林書院。而常鎮人附之。有崑山之黨。則顧天峻及湘潭李勝芳。蘇人附之。有四明之黨。則沈一貫。浙人附之。有宣城之黨。則湯賓尹。而寧國太平人附之。有江右之黨。則鄒元標。有關中之黨。則馮從吾。各同省人附之。馮嘗督學山西。則山陝合。馮鄒又講學相善。又江右山陝合也。閩楚粵蜀。遠不具論。庚戌大計。江右淮撫李三才。庇東林。而諸黨左矣。時攻東林俱見罪。四明至楚粵。無一人臺省者。天啟初。東林獨盛。起鄒元標。而江右亦東林也。江夏熊廷弼。原江右籍。楚東林也。福清葉向高。歸德侯執躬。東林也。天下咸奔走焉。仕塗捷徑。非東林不靈。波及諸生。如復社。幾社。不一。

而足家馳人驚。恐漢末標榜。不是過也。

熊廷弼王化貞

葉相國向高。於萬歷癸丑。主禮闈。錄王化貞。其撫遼也。沾沾自喜。適福清再召。馳書勸駕。謂大功指日。待入朝為封拜地。福清又夢如之。故入朝。專右化貞。及事敗。同罷廷弼論死。

魏忠賢

魏忠賢少飲博無賴。觸忿自閹。猶為人行汲。客某奇其貌。資直。東宮後柄用。客避去。其名姓無傳焉。萬歷時。宮祿不恆給。皇孫苦之。諸閹戲曰。陛下萬歲。殿下亦萬歲。吾輩侍小官家。登極。鴻恩有河清耳。而忠賢獨恭。敬時進飲。啖中其欲。及上即位。寵任倒柄。勢焰薰灼。外廷諂附。實繁有徒。媒孽中害。則劉志選。楊夢環。羅織善類。則曹欽程。吳高夫。田吉。許志吉。田爾耕。許顯純。在應元。張體乾。孫雲鶴。楊震。谷應選。魏廣微。之首附。盧承欽。之刊黨籍。潘汝楨。之倡祠。李尋。祚之進封。其頌美不置。薛鳳翔。四十七疏。郭允厚。四十疏。周應秋。三十九疏。餘不勝數也。

聞人某善占字。忠賢召之。書有字。對曰。一人之下。萬人之上。問其故。曰。有字上半天也。下為日月君臣之象。今月食日。幸肩半天。否則無天矣。又書囚字。某心知其謬。詭曰。國內幸賴斯人。如無斯人。國且空矣。忠賢色喜。某旋遁。

### 謨羅賓籍

有錄泉林姓氏於魏忠賢。遂因事羅織。嘉興陳應元與焉。金陵陳應元以名氏同。併羅。

### 李脫賓籍

長啟末。陝西巡撫莊祖謙遣奏差有媚祠之請。奏差至京間。上疾甚。意魏閣未可測。疏不即上。後忠賢敗。免議。湖廣巡撫慈谿姚宗文亦遣奏差疏竟上。預黨落職。按漢竇憲納妻。郡國皆有禮慶。漢中郡當遣吏。戶曹李邵言。竇氏專權驕恣。危亡可翹足而待。願勿與交通。太守固遣之。邵請自行。遂所在遲留。至扶風而憲就執。陝西奏嘉。暗與邵合矣。

### 尤通尚書

總督倉場侍郎薛貞以草場救焚頌魏忠賢。遷刑部尚書。時稱火逼尚書。在刑部誣

揚州知府劉鐸死之。崇禎初，追論貞死於本堂，槿三十。雖貞不足惜，時謂其失體。

劉詔耿如杞互誚

薊鎮祠魏忠賢參政耿如杞不跪謁，懼譴，求巡撫劉詔劾罷。初，非劉意也。忠賢重論下法司，崇禎初，詔總督薊遼，以乾沒軍料下獄。如杞笑曰：「老先生何亦來此。」如杞釋後，歷官巡撫大同。己巳，勒兵入援，同總兵張鴻功潰於良鄉，被紆下獄。詔又笑曰：「老先生何又來此。」

孫尚書寒窓故人

武進孫文介宗伯慎行持行清峻，門生某來為巡臺，留飲五盞。巡臺欲起，公曰：「少需之，有寒窓故人相見。」巡臺意密客，坐俟之，屢求面，已設菽乳，指曰：「此吾寒窓故人也。」

周維持

璫熾時，御史金壇周維持楹帖，聖朝多樂事，天意喜從人。

鳳見

天啟二年，禹州守英□□報鳳凰見於大隗山，高可七尺，事聞，受賀，嘗問汝州人張彥清，云是冬，身其地，則徽府太和王之莊，雨雹，鳥雀凍墜，無算，訛以為鳳。

滕陽驛詩

夫啟程壽州御史方震孺被逮題滕陽驛壁品兒一月纔三日懷裏呱呱別乃翁若  
使長威能問父阿兄向北指悲風丙寅江陰御史李應昇亦被逮過之題曰君憐幼  
子呱呱泣我為高堂步步思最是臨風悽切處壁間俱是斷腸詩崇禎戊辰武進鄒  
嘉生復官備兵海上南還飯滕陽見壁間方氏新題宛然而仲達詩湮去久矣因系  
以詩荒庭樹秃慘霜碑有客巡簷淚獨垂碧血已酬忠孝志紗籠猶見死生歧六歌  
兒妻情偏至十族君臣義不移宣為姓名甘鼎鑊千秋巡遠自心知又亡何鄉人和  
詩一行已遺泪為碑遺句何須粉壁垂好惡自從平旦合是非偏向偶曹歧生驚市  
虎魂猶碎死快騎鯨性不移輦上若留男子氣寸心應許夜臺知題壁何知峴首  
巖洞痕今日尚雙垂忠良各抱心猶石生死何妨路見歧新月有情窺戶入殘陽無  
端帶燈移舊時遺筆無尋處化作風雷未可知辛未仲夏鄒嘉生被上谷之命重憇  
此齋書存名去旁有和詩二首名雖不留其人固可想見也續題曰不為孤中寄口  
碑壁詩何幸數行垂三朝日月懸天上一念玄黃判路歧客路似名驚易去人心如  
宜杜難移荒郊控馬重題句佚簡還留野乘知按亡何鄉人即武進張二無先生塚

孫相國行邊

孫高陽相國承宗行邊。見城堡殘破。輒罵熊經畧王。巡撫棄師之罪。謂不能力守。驅生靈數十萬。死亂兵之下。盡焚官私廬舍。不顧其後也。雖上疏請宥二人。實非其意。

陳明卿慰下獄

周蓼洲順昌周季侯宗建等下獄。陳明卿慰之曰。人生事業。閉戶第一。閉戶事業。獄中第一。公等莫如著易。慎勿錯過。

暹羅貢表

天啟丙寅二月。廣東市舶提舉司唐允中。報懷遠驛暹羅入貢金葉表曰。暹羅國王森烈。帕臘照采備。怕臘陸悃西亞卒。贊鴉善埃。誠恐稽首頓首。謹譯書奏啟。大明皇帝陛下。伏以聖明新登寶位。萬國胥慶。微臣經差使臣坤皮。以具沙等。捧貢金葉表文方物。詣闕慶賀外。欽奉勅諭厚賜回還。開讀拜受。恭詢 聖躬祉祉。國治政平。拜舞山呼。無任懽懽。追思世沐恩寵。自古及今。地隔天涯。心馳帝闕。雖華夷兩地。賈同一國之忠也。茲當貢期。循例修貢。謹差正貢使臣郎勃查緝。副貢使臣坤加離顏那。茶邁低厘臣乃實填朴里。辦事臣乃納統。通事臣曹漢等。乘船一隻。捧貢金葉表文。

輦載方物譯書。用羅字五號勘合。從廣東省送詣闕下。貢獻恭候萬福。伏乞 聖鑒  
繼襲用伸臣子之職。庶存懷遠之義。并祈往來不斷。使獲悃悃永久。事竣乞早遣使  
回國。臣無任瞻天仰聖。激切屏營之至。謹具表以聞。并開進 皇帝上品龍涎香一  
斤。西洋遮那密段四端。采色烏地雙面花幔二條。采色藍地研光雙面花幔二條。采  
色花地柳條雙面幔二條。采色花地烏文研光雙面幔二條。采色柳紅暗地花雙面  
幔二條。西洋紅地繡金綿珍帕二條。象牙三百斤。大小十一根。胡椒三百斤。藤黃三  
百斤。連香三百斤。降香三百斤。白荳蔻三百斤。大楓子三百斤。烏木三百斤。蘇木  
三百斤。進 皇后上品龍涎香八兩。西洋遮那密段二端。采色紅地雙面花幔二條。  
采色雙面暗花幔二條。采色金身花幔二條。象牙一百五十斤。共六根。胡椒一百五  
十斤。藤黃連香降香白荳蔻大楓子烏木。各一百五十斤。

接暹羅萬曆三十八年。四十五年。並入貢。天啟元年入賀。

### 安南

五月六日。安南入貢。補萬曆四十五年。金香爐花瓶四副。共重二百零九兩。銀盤十  
六。共重六百九十一兩。沈香六十斤。連香一百四十八斤。降真香三十根。白木香五



十件。黑綿香八千株。白色土絹二百匹。犀角十二座。象牙十二枝。隨從二十一員。陪臣三員。阮進用。杜克敬。阮自強。通事一員。阮曰仁。行人四員。黃文通。范世和。阮光。阮世閱。從人十三名。補貢方物。並如前。隨從二十一名。陪臣三員。陳瑋。裴必勝。阮灝。通事一員。阮程。行人四員。黃茂才。鄭棫。阮仁通。阮智能。從人十三名。

### 三王之國

瑞王惠王桂王之國。辭陵故事。親王必肩土三擔。培陵時。瑞惠相觸而誌。桂王解。就封。所經郡縣。上供王及妃。日各肉八十斤。次妃及長子各六十斤。餘妾及諸子各四十斤。桂王阻風儀真。審理嘉興沈德先入其舟。見座設青布褥。內豎云。宮中皆然。凡袴皆布也。親王亦如之。並祖制。

### 主簿寃縊

天啟丙寅八月。嚴州主簿□□□於布政司領漆料千金。為孝廉某某居問瓜分并雜費。實領三百餘金。度必自累。遂縊死。杭城海會寺中。猶胸抱寃狀。首列方伯履新。民拚免百金。事聞當道。以礙方伯不行。

### 許志吉

鉅縣許志古。故相文穆國之孫。歷大理寺。寺副時籍富人吳養春家。奉旨召買黃山。遣工部主事呂下問煩苛激變。志吉自請往。駐郡臺。有司伏謁。通判姜三極名叱之。羅織巨家。不避戚黨。徹人切齒。已事敗。即訊欵。令葉高標繩之前。為伏謁者。志吉囚服跪。高標故下堂揖。志吉曰。老先生何至此。每訊一事。輒受扑。人以為快。竟論死。初志吉被黃山之命。其夕文穆墓坊自倒。

### 營極天鳴

思宗皇帝登極日。諸臣方呼拜。忽天鳴。竊心異之。吳忠節麟徵云。

### 戊辰首科

崇禎戊辰之首科。左春坊左庶子周鳳翔。翰林院簡討汪偉。戶科都給事中吳甘來。河南道監察御史王章。兵部車駕司主事金鉉。俱甲申殉難。又兵部右侍郎劉之綸。少詹事徐汧。通政司使李夢長。翰林院編修胡守恆。行人楊子楷。山東按察僉事保道。推官李獻明。遵化知縣徐澤。俱先後死事。

### 東宮不利

帝王登極後中宮生子。帝乙之紂。宋文帝之邵。並凶終。我朝孝宗之有武帝幾

至覆國及思宗元子生日者俱謂其支干不利。

### 問難

上初即位好問難如三物六德六行等儒臣猝不能對後稍厭薄之不復瑣瑣

### 治進香內臣

上內坐聞香慾動偶語閣臣歎曰皇兄受誤多矣戒香不復進

### 逆案

逆案分創祠稱頌贊導繇家宰長垣王永光亡何總憲曹于汴給諫許譽卿摘冢宰陰附忠賢罷其預議改命司寇喬允升時秉成於閣部而太史姚希孟實陰主之以得蒲州意也故蘇人無一玷者

### 徵盜

先是秦盜跳豫晉間太倉吳駿公嘗與同年衛肩文論時事其人關中人也忽歎曰事出非常奈何吾關中有人矣問其姓曰李時不省所謂迄今思之果驗

### 偽巡臺

癸酉十月八日大名之長垣縣忽報按臺私行在北關店杜龍家典史倪時俊逆之

公館時開州同知喻傳顯署縣事。求示勅印。頗張皇失措。因收訊。則滑縣齊文舉也。年二十一策蹇。身負邇者。後奏上。寘罪。

### 五經登第

洪武二十二年。福建長樂縣黃文史廷實。應貢。庚午試南京。五經題並作。以違式取旨。太祖讀其天下一家論。大見稱異。御拔特置第一。免會試。授戶部主事。言事。降撫州推官。字民以恩。而待屬過嚴。陷。調漳州衛卒。

崇禎甲戌。會試龍溪顏茂猷。五經題並作。分考官陳仁錫。出闈特奏。上許其廷對。第進上程錄。另列其名於諸貢士前。茂猷鄉舉在天啟甲子。亦全經。□□推官山陰。邪處。律異也。言於主司。獲薦。巡按御史為特奏。一時傳異。後人效之。崇禎丙子。萬年。揭重。魁順天。江西張燮。羅大猷。已卯山東萊陽宋瑚。癸未進士。嘉興譚貞良。慈。嘉馮元。丁丑南昌程元極。五經乙榜。求做顏茂猷例。特拔不許。庚辰宗貢朱統。以五經義求破格。亦不許。

### 館選

甲辰罷庶吉士。乙亥選推官。知縣入詞林。丁丑專舉有司。限甲科七人。乙科四人。貢。

三人嘉善錢塞菴相國曰自外吏入館止論足賦不問文學月課庸拙為字雖出亦  
南場關節

兵部主事丹陽賀王感劾烏程溫相國體仁庇其鄉人考官左庶子丁選摘南場黃  
美中論表奢閭嫫乃青山綠樹為關節輔臣委部科核所出尚書李康先苦懷覆上  
忤旨去荀子侂詩閭嫫子奢莫之媒也嫫母刀父是之喜也又荀卿與春申君書復  
賦閭妹子奢莫知媒兮嫫母求之又甚喜之兮青山綠樹見朱元晦心學詩

宸翰

戊寅六月御書楹帖賜揚州鹽曹太監楊顯名陌上堯樽傾北斗樓前舜樂動南薰  
私第臺上清霜凌草木軍中殺氣動旌旂公署每對用璽六顆遣官馳賜  
己卯九月宴樞輔楊嗣昌於文華殿賜坐上手觴者三袖出詩賜之鹽梅今暫作  
干城大將威嚴細柳營一掃寇氛從此靖還期教養遂民生

輔臣不給驛

己卯遂安方相國逢年召對不稱旨自免賜三十金不給驛

陳啟新

淮安陳啟新故書休嘗一舉武科。頗諳繪事。游燕善大璫。曹化淳等丙子上書。特拜  
吏科給事中。實無他才。首蒙破格。入省以後。唯阿觀望。淮撫朱大典榜其門。海內一  
人。發未定。憂。或追論其陰事。下法司。啟新走免。不知所終。啟新嘗奉使過南京。時大  
司馬李邦華示禁某地內云。如此室礙難通矣。啟新讀室礙為蜜礙。及入京。上言近  
京陵脈。蜜戶坎傷。引李所示為據。李疏辨。時大笑之。

御膳

上儉約。御膳日費三百金。

內閣東燭

文淵閣內五楹。中居元輔。餘以次寫直。如元輔罷。次輔當代。必旨有元輔字。始遷坐  
閣員至六七人。則劉室中晝蓋燭。不北晝亦秉燭。故事。午門前日照紅牌。輔臣趨入  
閣。人輒報報畢。始發章奏。

堂饌折價

輔臣會饌出光祿寺。自宣興周相國廷儒移庖始折價。烏程移庖菲甚。雖細節。以上  
偵斐也。

科抄

紅本下科發抄。萬歷中疏多留內。不付閣。故先行科抄。崇禎時禁之。

何相國市德

香山何象岡。吾駟次輔。日直票擬。時泄之親故。而上嘗改擬。則曰某某為之。或上自改也。烏程悉其狀。語何曰。貴役不宜引入禁地。何諱之。烏程曰。貴役傳遞多矣。自是少戢。

烏程長洲之隙

長洲文湛持相國。震孟故善香山。香山先相。不諳典故。烏程輒改所需。不以示也。長洲積譽入相。禮之加等。長洲語人曰。人多短烏程。乃謙抑如此。初召對。問陝督洪承疇何如。嘉善錢相國曰。承疇臣同年也。任事勞苦。此其所長。若戡定或非其本。上作色曰。人俱說他好。香山因力稱之。長洲言操江都督御史之短。意欲薦其姻。福建右轄申紹芳也。以語德州謝太宰。謝曰。果用申青門。老先生當稱治生。蓋蘇松常鎮為下江。長洲謝不敏。既推申河南左轄。未起意。覲齊撫。太宰糾之。申逮戍。上科都給事中許譽卿。資深祿淺。推南京太常寺少卿。長洲囑香山票旨。用人何論南北。上

責改擬。會太宰引疾勉留。長洲語太宰曰。欲成老先生高尚。奈許霞城相誣。意蓋脅  
迫。太宰知其指。曰。我大臣出處。乃操自庶僚耶。因糾譽卿。而長洲欲右之。烏程曰。太  
宰參之力。長洲求罰俸。烏程曰。安有太宰所參。僅罰俸者。長洲作色而去。遂擬降級。  
上不許。烏程擬削籍。晚坐會閱。長洲慨然曰。削籍未嘗不好。其所票某項錢糧疏。  
烏程勸改擬。長洲勉應之。改訖擲筆。四坐駭矚。烏程翌朝揭奏曰。朝廷所以臨下。賞  
罰而已。若所云科道削籍。科道之榮。是賞不足。勸罰不足。懲以股肱心膂之臣。而為  
此。豈禮悖常之語。臣實不知其解也。上怒。并罷香山長洲。

### 袁崇煥

袁崇煥備兵寧遠。值樞相孫承宗於榆關。孫方被論。乞骸。崇煥曰。相公果欲去。某願  
捐三千金。助彈文。孫笑曰。若然。幸為籍重。第不肖去後。經畧必喻使君安性。而足下  
代其巡撫。喻亦不久。又足下經畧矣。未知巡撫又何人。崇煥曰。有劉詔。後俱如孫所  
料。而畫煥輕脫。可見嘗於演武場較閱。忽自起舞。防牌中蹶。

己巳四月。崇煥遣把總吳某。于總陳某。使建州。以故違人方君達來報。二十四日。陰  
謀叛。素通賞。且伴輸彼情。約殺島師毛文龍。許之又告。詔遂令都司蔣文舉。開羅於



高臺堡名。販熟夷也。邊儲始竭。尋用都司吳先計。犒軍。矯殺文龍。

庚午十一月。籍沒袁崇煥家。妻阮氏。女三歲。六歲。從子兆晰。使女四人。蒼頭八人。婢三人。書籍財物十六筭。槍二。馬口俱解京。

### 鄭鄮

庶常。武進鄭鄮。大學士吳宗達之甥。恃天啟中建言。蔑視其舅。吳罷相。抵舍。是日鄮徹裝北上。補官不一。晤吳。恚甚。揭其短於烏程。未發也。文起入相。以同年薦之。烏程曰。詞林自有故事。萬歷已丑。庶常蔣恬菴。益育。終養。及起家。猶同後輩。課館。且敬外轉。周礪齋。洪砥。謂以齒夙得留。今鄭庶常不得遠例也。文起曰。鄭嘗建言。與蔣恬菴不同。亡何。嘉善錢相國士升。及唐宗憲。世濟。各懇烏程。許其題補。一日。文起語烏程曰。老先生不用鄭庶常。彼善作文者。烏程意沮。會許舉。卿事敗。文起忿曰。一霞城敗。行有繼霞城起者。烏程聞之。草揭示嘉善。同僉名。特淄川張至發。其直不之。及嘉善曰。既不能薦。而又賣之。人其謂我何。烏程獨上。立下鄮獄。論誅死。烏程初無意。隨鄭鄮。覺由吳氏。而文起激之也。

### 萬仞宮牆

離藤張四知相國里門題萬仞宮牆時人嗤之

### 稅監

吏文起入相數日撤稅監自 上獨斷長洲掠其德已文選郎呂大器奏臣前止稅監今蒙採納閣臣見之謂選郎賈舉長洲曰此好事何難認也

### 詞林題補

詞林在籍先注官後起南海陳子壯以□□家居遽入京烏程異之烏程雖陰狡練習朝典人不能及而上苛嚴細故票擬改至再四不允同列遲疑烏程徐曰或疏素失填小日耳按之果然雖失填小日上終不自明必閣臣發之

### 周延儒

宜興人相恃才輒午睡足徐起閱章奏應手票旨時閣臣善於啟事稱武進宜興如何

寵

吏部擬各官罷俸幾月兵工部擬各官吏賞幾十幾兩俱閣臣填數烏程不填聽

上裁寔不市恩怨 上益任之

宜興先論罷以嘗言朝廷為義皇上人因力辨引去及再相或言 聖性嚴駁宜興

笑曰上易與也何過慮為蓋宜興潛通宮府得其關鍵故有義皇上人之說晚益顯  
貨文武大臣賜謚擬旨還與他謚嘗誇曰吾筆底一字千金蓋入賂四千金也

### 六曹章奏

六曹章奏係科臣職掌參駁近虛文塞責於大事多畧

### 磨碑

西山碧雲寺魏忠賢重修天啟三年少師福清葉向高撰記禮部尚書會稽錢象坤篆額今碑磨去錢象坤名氏意作相時事也福清記中頗稱許魏氏

### 內臣帶

內臣帶止犀玉無金銀花素之別崇禎辛巳始依品自金花以至素銀衣白斗牛鼎魚以至各色異獸

### 揭長安門

己卯庚辰間或揭長安門曰督撫連車載京堂上斗量好官昏夜考美缺袖中商

### 泄旨罷相

巴縣王相國應熊被論命未下遣探閣指遽疏辨上詰其繇於是中書舍人劉長

錫等以泄旨伏罪相國坐免

### 朱萬年

華州守朱萬年力拒叛兵不遺餘策以登撫謝璉主招降脅之出城遇害是日婦生  
早人皆哀其烈而幸其嗣也

### 佑聖觀開勅

庚辰閏正月先是山東巡撫上虞李懋芳憂去顏繼祖代鎮論其侵牟坐逮懋芳在  
遼繼騎先候於杭州議開勅於藩司右轄黃鳴俊曰某宦河南駕帖開自臬司重在  
刑若也二司互執竟開讀佑聖觀

### 過周謀

是月仙居知縣過周謀以通路長安事露被逮夜宿杭州菩提寺仰藥死寒士叨一  
策寄百里之命欲速而梯進身且不保孤燈冷壁婦孺長隔亦足戒矣

### 生日移質

應廟萬曆庚戌十二月二十五日生適嫡母孝和貞皇后忌日也崇禎元年萬壽  
節免質明年屆期輔臣知其指請移二十四日從之按庚戌十二月甲午立春故景

命之長。作辛亥節氣。

金史太宗歲。本月七日。以同皇考忌日。改用十七日。

### 鄭以偉

上饒鄭相國。邃于經術。第不諳吏事。票擬間用古字。往往失裁。宜與時規。之終不辭也。臨票矜持。數四塗易。兼才之難如此。嘗命改票。票命例繳進。誤毀之。被詰先。以禮部尚書協理詹事府。刻其詩文曰藝苑。張仲師喻短也。張仲師長尺二寸。見論衡。刻山上山稿。蓋古詩。山上復有山。離合文。出字也。自為序。又作隱語。許曰。自美。此果懷□□。從前一誤。是山山。惟貪幾度百姓眼。何補相聯兩月灣。又刻畫壺春。小兒所吹。不按腔調。又刻杜吟。杜之為言薄也。

### 貢士騎射

己卯。始命巡按御史同鄉試主司。閱貢士騎射。具文耳。後終不行。

### 鹺司新例

轉運積輕。夷於郡守。如吾浙按察司水利道宴客。則鹺司辦具。沿為故事。壬申轉運使楊湛然。革之。已奉勅禮同藩臬。勅至日。藩臬不往。方伯猶徂舊。不下堂。楊勉。隔即

守之右。關中張繼孟。自御史左遷。始得亞二司。乙卯鄉試錄序。列都轉運使右參政張繼孟。及太監崔璘。至繼孟仍誦勝。二司則否。

### 黃道周

黃石齋先生。在詞林。凡題講官。經筵官。纂修官。及東宮講官。或資俸在其前後。皆用。獨遺黃蓋輔臣。懼其近。上敷奏也。最後推東宮講官。又不之及。項煜楊廷麟俱相。讓輔臣以道。周所陳。臣不如鄭鄆為辭。曰。君子一言以為智。一言以為不智。廷麟折之曰。孔子聖人也。自謂辭命不如宰予。管仲賢人也。自謂不如開方。天下後世未聞孔子以此貶聖。管仲以此損賢。云云。

丁丑華亭陳子龍出右中允。黃先生門。布素進謁。先生曰。僕本寒祚。布素宜也。若世闕常服。羅綺改而布素。又失常矣。正不必也。先生坐事放歸。子龍迎高郵舟中。袖出五十金。先生擲之曰。吾窮宦。奈何驟污吾。肥長明記

黃先生送吳駿公祭酒之南京。以本鄉涂監生託之。不言其名。吳抵任。聞石齋廷杖下獄。因閱籍。則監生涂仲吉。果閩人也。召問。遣之北行。遺二十金為索饋。仲吉竟自菴殺。併下獄。拷供七人。主使楊廷麟。王維等。幸不及吳祭酒。

張春

庚午三月。永平道參政同州張春出關。陷穹廬中。誤聞殉難。贈都察院右副都御史。居亡何。春從塞外求款。始追削。春妾□氏年二十一。自經官舍。春媿其妾多矣。蓋洪承疇之前茅也。按宋高陽關副都部署王繼忠降契丹。授戶部使。繼忠言南北通好之利。契丹主然之。後遺邊臣書。張春風斯下矣。

詞林之壞

嘉善錢相國塞庵曰。自來坊局與政府相通。間邀坊局等。咨訪時務。人才因驗。其人賢否。崇禎間。詞林輒趨臺省。乘利窺間。反攻中堂。而與政府隔矣。上者傲。遂詩酒畧於典故。一旦臨事。遂無其料。吾待罪政府。見士大夫朝房。非上書求溫旨。則代人懇致多遷除之事。並無陳大議。效奇策。雖開平津之閣。何益。此國家所以大壞也。詔勅體貴簡重。冠冕天啟間。忽叙門閱。尚纖縵。綸命褻矣。倪鴻寶好琢磨。就於雕蟲。王覺斯專做大誥。浮靡不切。許石門輩。儲蓄既薄。趨其下風。又無論也。烏程嘗讀之。覺額令刪改致忤。夫知制誥。閣臣職也。詞林於愧不其甚乎。

館陶全城

壬子北兵深入館陶令晉調元其姻孝廉某自關中來道被掠儀觀甚偉厲聲曰我  
非庸庸者不令我見主帥乎如吾見也者會當立效相報及見主帥曰我關西男子  
不與俗伍姻家館陶令以古下之馬驟金帛隨所欲耳主帥信之以騎往孝廉求與  
昇至城下約停車容入說之入即助守曲盡方畧蓋孝廉儻足以給敵也

### 分票

嘉靖以來票擬頗首揆餘旁睨而已萬歷之季疏多留中福清葉向高德清方從哲  
相繼首揆嘗聞坐終日福清曰安得票一疏全我體乎天啟間事繁福清及蒲州韓  
爌間送次輔票一二宜興始分票計疏若干析以為常晨入夕出拮据不遑閣例不  
宿如申刻散班崇禎初遂燃蠟更餘堂吏猶循故事高呼申時也錢塞庵詩深宮衡  
石程章奏綸閣推敲費論愍子夜漏深纔退食門官猶報是申時

### 熹宗實錄

纂修實錄各分詹翰坊局藁具送閣臣總裁又分歲月刪定彙而上之熹宗御歷七  
年論實錄終歲事耳史官雖分任乞假奉使淹期不至或竟置之罔聞閣臣亦不以  
為意嘉善錢相國嘗總裁二十年有奇云同官互秘不相往復也至崇禎十年始竣



講臣

經筵對御案設几列講章其上講官易為□日講從御案旁敷陳即自撰講章或至  
失記蓋講章先期呈閣臣閱定中書舍人錄置御前往時講官第闡本義未規數句  
不繁引也崇禎時好衍時事輒千百言如豫章禮部右侍郎羅喻義講尚書□□□  
□布昭聖武泛引國朝三大營志烏程屢刪之不受忤去羅喻義祭酒時熱土請詞  
逆魏此准其呈述魏然始  
之錢塞庵曰講官致規不過篇末今累牘連章烏程坐是與詞林不協予所見講官  
文湛持倪鴻寶學問該洽聲容閑雅真其選也姚孟嘗次之姜歲勝有儀度其學不  
逮姜燕及氣粗許石門語完

堂婆

太監張彞憲監戶工二部並座堂上時稱堂公堂婆

御史改武

監察御史張仕學巡按河南求擊賊自效改總兵官先是余應桂按楚超巡撫張觀  
之既改階郡守節推通刺始愧悔後遷延自免

盧象升

已歸。盧象升總督敗沒。鎮璫懼罪。陰言其不死。命遣校偵之。以實聞。下校獄。酷拷不承。而死。垂死拜獄神曰。某不枉。盧總督雖死不憾。

### 德府窖金

己卯正月。濟南破德王。由樞陷於賊。得牡丹下窖金。壬午十二月。兗州破魯王。以派死。得石榴下窖金。二邸最薄。矧秦楚襄福周蜀之富乎。

### 周士樸

寇陷歸德。執周尚書士樸。責數之。荅以布袍革履。不預外事。曰。亦知舍人之怙勢肆虐乎。辭以不聞。曰。爾瘞金十三窖。何來。不能答。被磔。

### 謝秉謙

華亭謝秉謙。本起廝養。登第。歷御史。巡按陝西。婪虐。戊寅還。十二月北。上會。被論。至齊河。見逃。過濟南。陷於朔騎。同官校遇害。蓋舍人施晉所供也。怨家楊尚能。擊登聞鼓。訴其逃匿。下撫按。鞫之不得。按濟南之變。頗多逋吏。提學副使錢塘翁鴻業。易隸服。而逃。被執。以衣服織綺。謂職官也。力諱之。數日。有蒼頭見其象中運木。戒蒼頭勿言。後不知所往。其家佯發喪。丙戌歸家。死於舍。推官平湖陸榮亦逃。弟某微知之。往

問揚州善慶庵僧德宗。德宗曰。越十二年當還。迄無耗。則委骸風露也。

和杖

崇禎中。盜值官兵目語曰。今日打和杖乎。打真杖乎。官兵畏之曰。和杖。遵遺金帛。解我。遣脅從報級。

左良玉

壬午十二月。張獻忠再陷襄陽。平賊將軍左良玉走漢口。居民竄盡。貽王憲副揚基書。求駐武昌會城。就餉扼要。士民疑懼。王信之。越江迎勞。許屯金沙洲。俟泝撥。遂是竟先期渡江。軍城外肆劫。王歸其孥至陽邏。被掠。許良玉大索得之一時駭。詔人不自保。賀相國逢聖訪良玉。問此來奉旨乎。曰否。相國曰。將軍扼要。宜先。顯陽而省會次之。曰郢上閉關。卻我。曰。今寇在江北。而兵江南。何耶。曰。漢上逃竄。無可食。相國曰。駐省會幾何日。曰。養銳待戰。及正旦。相國往。叩不納。排闥一見而去。

蕪湖兵擾

癸未春。左良玉在武昌。遣副將王允成勤王。自九江安慶而下。恣掠。流言兵叛。留京藉藉。南樞熊明遇亦不辨。第令都督孫必進以三千人往。至蕪湖。知非寇也。汪甯令

楊文驄以熊氏年家子。求西征許題補職方郎。文驄即部銜視師。欲蕪湖令夏繼虞誣膝。不受。縱兵劫掠。時留京戒嚴。清明節。聚寶門啟二十刻。遽閉。游人爭入。踏死四。人。蔣子文廟降神。言此地亡恙。果獲安。

女慘

左良玉自武昌東歷池州。道剽土人奔避。斤肉值銀二鍰。隻葱二十錢。墟市空竭。所掠婦女三三萬。左偶聞之。欲搜集。部卒懼。頃刻推婦女江中。屍浮及於揚州。良玉日跋扈。人心憂疑。故都督陳洪範曰。左崑山不能約束其衆。蓋有三懼。懼流寇難滅。懼部卒二心。懼嚴旨不測。

蘆溝城

崇禎戊寅二月。城蘆溝橋。南門曰順治。北門曰永昌。甲申兩應其兆。甲申正月。賊陷。潘安。潘世子。口口年十六。逃外氏。被執。偽將同飯。風吹其衣。見幼所佩大金錢。為大順永昌也。

內臣北蝗

予生不識蝗。已卯六月三日。太監崔觀覈兩浙錢糧鹽法。抵杭州。蝗始見。仰空點點。

人皆異之。明年滋蔓。接畛盈疇。能浮河港。

### 箕書

戊寅十二月十七日。上召箕仙。玄帝降書曰。大數九九氣運遷。漢水河邊渭水河。邊投秦入楚。鬧幽燕。寇過數番。軍過數番。搶奪公卿入長安。軍苦何堪。民苦何堪。父母妻子奔長安。家家皇天。人人皇天。大水壓入燕地。烈火焚毀秦川。流寇不久即死。紅眉又將發烟。牛頭下走是荒年。猛虎咬兔。父母妻子相拋閃。家家命運在天。上又問。箕答曰。等閒不管閒事。崇朝將伯面前。獨我寫得明白。聖上只得耐煩。

### 悼靈王

皇五子慈煩薨。時預言貴妃田氏及乘輿不利。上痛甚。自讓於奉先殿。已追封王。

諡曰靈。

### 禁金銀酒器

癸未冬。禁金銀酒器。袷服。南都公宴列銀爵。或欲撤之。總憲張藐山先生曰。第安之。非大臣。此器更誰用乎。尚書高鏗齋深服其言。

### 館課

甲申三月望。寇且至。是日庶常謂必罷課。姑往候命。首輔魏藻德以制不可廢。出文  
章可聞。性道不可聞解。

元旦受朝

甲申元旦受朝。羣臣成禮而退。上南向一拱。前此未有也。

孝陵夜哭

甲申三月十三日。孝陵夜哭。都人宣傳。張藐山先生聞之。嘆曰。雖訛言。亦其應也。  
往鍾山佳氣鬱葱勃萃。朝夕殊狀。父老謂今日減色。

先帝改謚

先是張藐山總憲同予私擬。先帝尊謚。予擬。烈宗。總憲善之。即擬烈宗敏皇帝。  
以語高相國輩。僉曰。烈宗斷不可易。相國曰。堯典欽命文思。獨思字未謚。以謚。先  
帝何如。各稱善。居亡何。宗伯顧錫疇奏擬。乾以下原缺